

苏 軾 集

() 著

卷 七

出版社

卷一百八

外制制敕七十四首

李之纯可集贤殿修撰河北都转运使

敕。乃者役钱贷息之弊，民兵马政之劳，萃于北方。而天不靖民，河溢为灾，老幼奔走，流离道路，十年于此矣。呜呼，其孰为朕劳来安集，使复其旧乎？以尔具官李之纯，治办之能，尝见于用。忠厚之质，不移于势。是用进登书殿，增重使指。其往抚疲瘵之俗，察贪暴之吏。无纵诡随，以谨无良。朕将酌民言以观汝政，可不勉欤！可。

吕大临太学博士

敕具官吕大临。太学，礼义之所从出也。不择人以为法，而特法以为治，可乎？汉之郭太、符融，唐之阳城、韩



愈，士皆靡然化之，其贤于法远矣。朕方诏有司，疏理学政，而近侍之臣，言汝可用。必能于法禁之外，使士有所愧而不为，乃称朕意。可。

罗适知开封县程之邵知祥符县

敕某等。赤县之众，甚于剧郡。五方豪杰之林，百贾盗贼之渊。盖自平时，号为难治。而况市易始去，逋负尚繁，役法初复，农民未信。以尔适，学行纯固，有恤民之心。以尔之邵，才力强敏，无偷安之意。各服乃事，以观其能。不患不己知，求为可知者。可。

杜纯可刑部员外郎

敕具官杜纯。用法如权衡，权可以轻重移，而衡不可以毫发欺。故司寇之职，必有守道之长贰，而辅之以守官之僚属。汝昔为士师，秉节不回。独持正义，以直群枉。往服厥官，无易汝守。以不忍之心，行无心之法，则予汝嘉。可。

刘霆知陈留县

敕具官刘霆。县剧而难治，故有司难于用人。地近而易知，故才者乐于自用。临政以简，决狱以明，御史以严，去盗以武。能此四者，孰不汝知。可。



皇伯仲晔可赠保宁军节度使东阳郡王

敕。祖宗之德，天地并隆。施及子孙，皆享民社。胜衣有朝请之奉，阖棺有茅土之封。始终之间，哀荣斯极。具官仲晔，宽厚寡过，雍容有常。生不勤于父师，没见思于姻族。既得考终之道，可无追远之恩。貌尾神旗，守臣之威命；金玺螭绶，诸侯之宠章。服我龙光，以贲窀穸。可。

杜稷可右司郎中

敕具官杜虬。士一历都司，即践清要。非一时名胜，不在此选。尔以文无害，而宿其业。往服乃事，益茂厥德，以称朕命。可。

皇城使裴景知慈州庄宅副使郭逢知阶州西京左藏
库副使王克询知顺安军

敕具官某等。朕铨择将吏，视其才力。强敏可任以事者，必试之治民。苟不知爱民奉法，驭吏而戢士，虽智勇有闻，朕无取焉。尔等皆以考绩察廉，号称明练。荐者交章，故在此选。往服厥官，无失朕命。可依云云。



借职杨晟该差使吴奉云等各转一官

敕某等。向敕边臣，增葺城堡。所以护安民夷，各全其生，尔能相率献田出力，有足嘉者。服我爵秩，永保忠顺。可。

吕大忠可发运副使

敕具官吕大忠。发运使按治六路，所部几万里，持节出使，未有若此其重者也。以尔更练世故，果于从政。屡试剧部，厥声蔼然。是以命尔均南北之有无，权货币之轻重。使农末俱利，公私宜之，以称朕意。可。

蒋之奇可集贤殿修撰知广州

敕具官蒋之奇。按治领海，统制南极。声教所暨，耸闻风采。自唐以来，不轻付予。朕既择其人，复宠以秘殿之职。使民夷纵观，知其辍自禁严，以见朝廷重远之意。其于服从畏信，岂不有助也哉！可。

吴安持知苏州刘餗知滑州

敕具官某等。两河之俗朴，其弊也悍，而轻犯法；三吴



之俗巧，其弊也流，而不知止。惟君子为能，去其已甚，济其所不及，故所居而民安之。朕求二郡守，访之左右，咸曰汝宜。往服朕训，因俗而治。可依云云。

谢卿材可陕西转运使

敕具官谢卿材。治边者不计财，惟边之所用。治财者不恤民，惟财之为富。此古今之通患也。朕知汝才知可倚，忠厚可信。故以西方之政，责成于汝。往与师守者谋之，惟适厥中，以民为本。可。

李曼知果州

敕具官李曼。蜀之人治蜀，知其好恶，察其情伪，宜若易然。又况于宽而明，和而毅，如汝曼者乎？乃者无实之诉，朕既察之矣。乘传西归，平赋役，省条教，以慰父老之望。可。

黎□知南雄州

敕具官黎珣。岭海之远，吏轻为奸。非良守令，民无所赴告。往祇厥官，如在近甸，则予汝嘉。可。



张赴再任乾宁军

敕具官张赴。使者言汝为政有方，民甚宜之。当解而留，以慰民望，可不勉哉！可。

皇伯仲婴可赠奉国军节度使追封申国公

敕。祖宗之意，仁孝为先。孝故专笃于亲，仁故闵劳以事。虽丰功盛烈，不见于宗室；而令名美实，克全于始终。死丧之威，哀叹何及。具官仲婴，少而简素，辅以温文。既克己以归仁，亦乐善而忘势。信顺多助，盖《大有》上吉之祥；高明令终，真《既醉》太平之福。建元戎之六纛，锡上公之九章。维以劝忠，岂云虚授。庶几幽壤，服我宠灵。可。

林邵开封推官

敕具官林邵。天府之剧，古称难治。非兼人之资，有不能济。今自逋负逃亡，悉归之四厢，宜若易办。然夫办之易，则责之详。尔材敏素闻，而以举用，往助乃长，使治众如治寡，以称所举。可。



邓羲叔可主客郎中王谔可水部郎中

敕具官某等。吏恶数易，而事有不得已者。通商惠农，水政为急。而招携柔远，宾客之事亦重矣。各祇乃事，为安官乐职之计。可依云云。

王荀龙知棣州

敕具官王荀龙。平原厌次，沃野千里。桑麻之富，衣被天下。宜得老成循吏，以辅安良民，式遏奸慝。访之左右，咸曰汝宜。往悉乃心，朕将观焉。可。

黄宪章获贼可承事郎

敕具官黄宪章。劳能之赏，不计日月。爵禄之报，必视首功。宜从迁秩之劳，以劝追胥之勇。可。

御史中丞刘摯可兼侍读

敕。孟子有言：“君仁莫不仁，君义君不义，一正君而天下定矣。”朕惟台谏言责之臣，虽知无不言，常救之于已失；而劝讲进读之士，盖朝夕纳诲，故日化而不知。合于孟子“正君”之义，非独有司之事也。具官刘摯，以道事君，



非法不言。使朕日闻所不闻，天下称焉。宜因古今册书之成文，取其兴坏治忽之要论。言之于无事，救之于未失。使朕立于无过之地，岂非汝争臣之大愿乎？可。

处士王临可试太学录

敕具官王临。观近臣以其所为主，观远臣以其所主。朕初不汝知也，而光论汝可用，其试之太学，汝勉之矣。朕既因光以知汝，亦将考汝所为而观光焉。可。

皇叔克眷可赠曹州观察使追封济阴侯

敕。先王建邦启土，必先宗盟。上自鲁、卫，下至应、韩。宗室之子，莫不南面。国家自仁率亲，专于教爱。故生无吏责，而富以禄没。享隆名而告诸幽，忠恕之道，可谓备矣。具官克眷，以茂美之质，服信厚之花。虽功名才业不见于用，而恭俭孝悌刑于厥官。命以廉车，即侯其地。皆国之旧，非朕敢私。庶几有知，服我休命。可。

寇彦卿彦明左班殿直

以兄殿直寇彦古永乐成死事。

敕具官寇彦卿。士不惜以身殉国，朕独何爱一官，不以收恤其家乎？祇服朕命，毋忘死者。可。



驸马都尉张敦礼可节度观察留后

敕。轩冕之来，德量为称。外无充诎之容，可以观德；内若固有之安，可以言量。具官张敦礼，少以经术，秀于士林。虽缘姻戚之选，不失儒素之行。日奉朝请，既抱才而未试；坐阅岁月，亦久次而当迁。进居两使之间，增重诸倩之遇。盖砺士节，以为国华。可。

内人张氏可特封典赞

敕张氏。朕幼学之初，未就外傅。命尔执业，以侍左右。勤劳有年，恭谨寡过。进掌仪范，以旌徽柔。可。

故尚宫赵氏可特赠郡君

敕赵氏。先朝差择女士，以辅阴教。侍御左右，罔匪淑人。矧兹六尚之选，必备四教之法。奄焉沦丧，直极哀荣。以尔名族之英，掖廷之旧。行应图史，言中物则。彤管有炜，既传好德之芳；象服是宜，无愧饰终之典。庶几幽壤，服我宠章。可。



冯宗道可右骢驥使内侍省内侍押班梁
惟简可文思副使内侍省内侍押班

敕具官某等。爵禄，天下之公器也。朕不敢以私昵之爱，而轻用其赏，亦不敢以近习之嫌，而不录其功。以尔等小心忠孝，逮事列圣，出入中外，劬劳百为。而宗道以藩邸攀附之勤，惟简以东朝奉事之久，各还所寄，加重其任。益励素守，以称异恩。可依云云。

梁从吉可遥郡团练使入内内侍省副都知

敕。祖宗之化，自家刑国。故虽左右近习之臣，莫不好善而知义，彬彬然有士君子之风焉。具官梁从吉，庄重有守，温良寡过。给事宫省，知无不为。服勤边徼，克有成绩。改锡戎团之命，进助内宰之政。益励素守，以称异恩。可。

刘有方可内侍省右班副都知

敕。祖宗之化，自家刑国。故虽左右近习之臣，莫不好善而知义，彬彬然有士君子之风焉。具官刘有方，温恭和毅，勤强练密。进从王事，以法令为师；退安私室，以图史为乐。进领右珥之贰，益亲中禁之严。惟忠与敬，乃称朕命。可。



翟思知泉州周之纯知秀州沈季长知南康军

敕具官某等。朕惟四海之广，一夫不获，足以害教化之成，伤阴阳之和。故选建守长，必以学士大夫为先。孔子曰：“君子学道则爱人，小人学道则易使也。”尔等皆以儒术进，有闻于时矣。其深识朕意，往行所闻。钦哉。可。

马传正大理寺主簿

敕具官马传正。哀敬折狱，明启刑书，理官之任也。主簿虽卑，亦有事于其间矣。尔以选用，其勉服此言。

张之谏权知泾州康识权发遣鄜州

敕具官某等。边郡之政，兵食为先。郡守之责，文武兼综。以尔等才力之选，卓然有闻。治办之效，见于已试。朕虽招携来远，不求边功；尔当积谷训兵，常若寇至。祇率厥服，往惟钦哉。可依云云。

梁谔可供备库副使转出

敕具官梁谔。奉事之久，累劳当升。求从外迁，亦各其志。进贰诸使，往齿外朝。益务廉平，以答休宠。可。



燕若古知渝州

敕具官燕若古。汝向以才选，奉使东方，官省而归，因以得郡。盖可谓异恩矣。巴峡之香，邑居褊陋。负山临谷，以争寻常。独渝为大州，水土和易，商农会通，赋役争讼，甲于旁近。毋以僻远，鄙夷其民。钦哉。可。

删定官孙谔鲍朝宾并宣议郎

敕具官某等。廷见改官，法之所严也。岁月之课，保任之数，差若铢黍，辄不得迁。今于汝独略之者，岂非以制法定令，汝与其议故欤？祇服朕命，以法自律，无徒知之。可。

王振可大理少卿

敕具官王振。任法而不任人，则法有不通，无以尽万变之情；任人而不任法，则人各有意，无以定一成之论。朕虚心以听，人法兼用。以尔出入中外，敏于从政，详平奉谏，审于用律。廷尉之事，尔惟副之。夫法出于礼，本于仁，成于义。勉思古人，以称朕命。可。



李吁可宣德郎

敕具官李吁。朕有大政令，使近臣总领其议。民之休戚，国之治乱成其手，可谓重矣。尔以儒术，进以邑政，选而为之官属，亦岂轻哉！二三臣者，言尔当迁。其服朕命，益祇乃事。可。

赵思明可西上鉉门副使

敕具官赵思明。国之宗臣，义同休戚。故文终之后，配汉并隆；而梁公之孙，与唐无极。国家佐命，元老独高。韩王铭勋太常，侑食清庙。爰自近岁，叹其中微。乃眷裔孙，尚有遗烈。宜因近侍之请，进升上阁之贰。勉蹈祖武，副朕怀人追远之心。可。

李承祐可内殿崇班

内臣转出

敕具官李承祐。奉事滋久，累劳当迁。遂齿外朝搢绅之列，益思忠荇，毋忝恩荣。可。

萧士元知隰州赵永宁知永静军

敕具官某等。文武异用而其道同，军国异容而其情一。



尔以才选，往莅厥服。惟少私寡欲，则民自靖。惟奉法循理，则吏自畏。祇率朕训。钦哉。可。

黄光瑞可内殿崇班

敕黄光瑞。朕覆养华夷，义均臣子。爱重爵赏，必加有功。以尔昔助王师，远获逋寇。历年滋久，宜示异恩，服我宠休，永思忠荇。可。

文贻庆可都官员外郎居中可宗正寺主簿

敕具官某等。昔江左二老，王导、谢安；唐之元勋，汾阳、西平。皆以积德流庆，子孙多贤。布列台省，为邦之光。今吾太师氏，亦庶几焉。尔等才行之美，所资者深。闻见之广，不扶自直。宜近而远，未称朕意。其归服乃事，同寅协恭，以究事君亲之义。可。

皇兄令讚可赠博州防御使博平侯

敕。爵齿之贵，并隆于朝廷；死丧之威，莫先于兄弟。礼有哀恤，义兼哀荣。故具官令夬，端厚有常，靖恭寡过。生不勤于保傅，没见思于族姻。宜分竹符，就赐茅社。服予惇叙之宠，慰尔永归之魂。可。



高士永知文州

敕具官高士永。自将为守，非艺而果，不在此选。治兵欲严，御史欲明，抚民欲宽，守边欲信。汝勉之矣，毋废朕命。可。

太皇太后再从弟高士纘高士猷可并
左班殿直文思副使梁惟简可皇城副使

敕具官某等。朕惟坤元成物之恩，虽以天下养，无足称其德者。故推余泽，以及葭莩之亲。左右奉事之臣，虽天地之施，无所报塞。尚勉忠孝，以答万一。可。

范百禄刑部侍郎

敕。朕哀敬五刑，期协中道。论者志于杀，惟杀之务，则深而失情；谏者志于生，惟生之知，则玩而废法。朕欲情法两得，生杀必中。非俗吏之所能，思古人而永叹。爰试以事，乃得其人。具官范百禄，少以异材，辅之笃学。昔奉大对，有守礼忧国之言；旋为争臣，有责难爱君之意。必能参用经术，折中人情。民自以为不冤，汝当务致此者；吾必也使无讼，朕亦将庶几焉。可。



朱光庭可左司谏王觐右司谏

敕具官某等。惟善人能受尽言。故昔之谏者，常有不容之忧。然有志之士，犹且不顾。忠义所激，忧患可忘。今朕恭己无为，虚心以听。汝等所论，盖无虚日。朕亦有拒而不听，听而不用者乎？各服新命，尽所欲言。言而不从，朕则有愧。知而不言，汝亦负朕。可不勉哉！可。

鲜于𢀛可左谏议大夫梁燾可右谏议大夫

敕。仲虺言汤之德曰：“改过不吝。”孔子论一言而丧邦曰：“惟予言而莫余违。”呜呼，天下之治乱安危，有不出于此者乎？朕夙兴夜寐，思闻其过。厥愆曰朕之愆，不啻不敢含怒，而况于左右辅弼之臣欤？具官鲜于𢀛，邦之老成，久试于外。金石之节，皓首不衰。具官梁燾，出入馆殿，盖二十年。守道笃志，无所阿附。皆吾争臣之选也。朕之于事，无必无我。可则行之，否则更之。使天下晓然，知朕乐闻其过。书之史册，足为美谈。若乃进则谗词，退则焚草。衰世之事，朕无取焉。可。

王岩叟可侍御史

敕具官某。尔以御史，论事称职。擢居谏垣，而能秉心不回，忠言屡闻。考其所争之义，皆有可行之实。予维宠嘉



之。兹复命尔往贰执法，乐于从善，朕志亦可见矣。《易》曰：“大君有命，开国承家，小人勿用，必乱邦也。”尔谨视中外，毋纵诡随，以成我纯一之政。可。

钱勰可给事中

敕。朝廷之政，根本于中书，而枢机于门下。出入考慎，然后布之天下，一成而不反，后世有述焉。虽用人惟均，而至于封驳之任，其选尤重。具官钱勰，文学议论，世其先人，典章宪度，博通前世，词命之富，多而愈工，风力之优，烦而不乱。其服新命，益修厥官。使为政者难于造令，而承流者无所议法，则惟汝贤。可。

明堂执政加恩

门下侍郎韩维

敕。朕于访落之初，躬总章之祀。追严烈考，以侑上帝。七政轨道，四海来格。礼乐具举，天人并应。非余一二大臣，同德比义，燮和神民，何以致此哉？具官韩维，令德雅望，外为师表；忠言嘉谋，入告帷幄。望其容邈，足以知朝廷之尊；闻其风烈，足以立贪懦之志。艰难之际，垂拱仰成。宜修旧典之常，均被庆成之泽。同底于道，朕有赖焉。

中书侍郎张颢

敕。亲祠合宫，昭事上帝。明发不寐，惕然有怀。永惟



神考之烈，高出百王之表。选建群辟，遗我后人。济于艰难，克有成绩。具官张璪，硕材不器，后德自明。卫上之忠，愀款四世。应务之敏，勤劳百为。迨兹配飨之成，宜均慈赙之福。服我明命，永肩一心。

尚书左丞李清臣

敕。祇奉严禋，肆行大赉。诚通幽显，泽被中外。六成之乐，上格于穹壤；四簋之黍，下浹于燀庖。矧余元臣，相成厘事。神人所保，霈泽宜先。具官李清臣，德配先民，才高当世。早以天人之学，发为经纬之文。左右先朝，克有成绩。属余访落之始，共济艰难之中。迨兹庆成，均被慈告。宜疏井邑之赐，以示臣工之荣。永孚于休，以称朕意。

知枢密院事安燾

敕。於皇烈考，属余大器。夙夜祇惧，若涉冰渊。乃者飨帝合宫，风雨时若。肆眚象魏，讴歌聿归。惟天人之应，萃于眇躬；盖左右之助，实赖将相。具官安燾，奋自儒术，为时名臣。燮和兵戎，无伤财害民之警；持守法度，有送往事居之忠。迨兹庆成，均被慈告。井邑之赐，国有旧章。与民同休，居宠天愧。

同知枢密院事范纯仁

敕。朕出款真室，还祀合宫。只见昊天，陟配文考。礼乐具举，华夷骏奔。方恭默无言之中，絜辟公显相之赖。率礼弗越，肆予汝嘉。具官范纯仁，庆历名臣之家，熙宁正谏之士。著绩西鄙，授任中枢。谟猷靖深，兵革消伏。领使奉祠之日，助成大亨之勤。降福孔多，推恩宜广。矧予宥密之地，可无勋邑之加。往服宠章，益敬毋怠。



尚书右丞吕大防

敕。朕有事总章，升侑神考。四辅在位，百工在廷。黷假无言，各率其职。迨此厘事之毕，匪我冲人之能。思与辟公，均受帝祉。具官吕大防，擢自英祖，休有直声。被遇裕陵，愈彰忠力。人总文昌之辖，手疏磐错之烦。六事所瞻，倚以为重；三府之议，于焉取平。宜加勋伐之隆，益增并赋之衍。服我休命，思勉厥终。

韩忠彦黄履并特转朝请郎

敕。考绩之法，三代共由。虽余左右之信臣，犹以岁日而叙进。率循其旧，示不尔私。具官韩忠彦，颀然异材，奋以儒术。典朕三礼，识古人之大全；历事四朝，有宗臣之余烈。黄履：受材宏深，秉德纯固。入践台省，休有老成之风；出更藩垣，遂无东顾之念。祇服新命，益修厥官。尚励有为之心，以需不次之举。可。

皇叔祖克爱皇叔仲虢并遥郡团练使

敕。朕不以亲废法，亦不以义掩恩。故宗室之英，虽不任事，而岁月之考，必付有司。以尔具官克爱，笃行有常，率履如一。以尔具官仲虢，居宠而戒，好德不回。既累日以当迁，非无名而虚授。益务忠敬，以保厥家。可。



王献可洛范使

敕具官王献可。《传》不云乎：“诗书义之府，礼乐德之则。”御侮扞城，亦儒者之事也。汝以词学进，而以武干闻。肆予虎臣，谓汝可用。往服新命，以成汝志。可。

陈次升可淮南提刑

敕具官陈次升。《春秋》书无麦禾，盖病之也。今吾淮甸之民，夏旱秋水，望熟于来岁。譬如负重涉远，未知所舍。朕甚忧之。汝自百里长，以才能选为朕耳目。其往按视。省刑狱，均力役，督盗贼，去奸吏。使民忘其灾，以称朕意。可。

杜纯可大理少卿

敕具官杜纯。治狱得其道，仁及幽显，泽流子孙。苟非其人，灾及草木，身任其祸。朕敬而畏之，久难其人。以尔用法平直，守道纯固，不以进退荣辱抑扬其心，故在此选。靡不有初，终之实难。可不勉哉！可。



郭□可开封府司录参军

敕具官郭唆。汝昔为狱官，不挠于执事，以陷无辜之人，坐失厥职，秉义不回，有足嘉者。往隶天府，总摄群掾。毋易汝守，朕将观焉。可。

林希可中书舍人

敕。文章之变，与时盛衰。譬如八音，可以观政。而况诰命之出，学者所师。号令以之重轻，风俗因而厚薄。本朝革五代积衰之气，继两汉尔雅之文。而大道中微，异端所汨。欲复祖宗之旧，必以训词为先。故难其人，不以轻授。具官林希，博闻强识，笃学力行。绰有建安之风流，逮闻正始之议论。往践外制，为朝廷常润色其精微；期配昔人，使天下识典刑之仿佛。务究所学，朕将观焉。可。

司马光左仆射追封温国公制

敕。执德不回，用安社稷为悦；以死勤事，坐致股肱或亏。方予访落之初，遽兴殄瘁之感。其于恤典，岂限彝章。具官司马光，超轶绝尘，应期降命。蹈履九德，湛涵六经。逮事仁宗，以论思献纳任言责；翊我英祖，以安危治乱鉴古今。粤惟先朝，延登近弼。方事献可而替否，不肯枉尺而直寻。癯绎新书，优游卒岁，乃心无不在王室，不起何以慰苍



生。顾惟眇躬，肇称毳祀。虽未能求诸野而得传说，亦庶几选于众而举皋陶。激浊扬清，方甄明于流品；制法成治，永振德于黎元。而□遗之悲，天不得于一老；惴慄之叹，人皆轻于百身。兹大享于合寝，仍不预于小敛。师垣一品，降之九原。开国于温，用旌直德；纳棺以禭，式劝具僚。念涕泗以无从，想话言之犹在。俯惟英爽，歆此宠灵。可特赠温国公。

张绩除宣德郎制

敕太学博士张绩。祖宗设贤良文学之科，以网罗天下之豪俊。间得伟人，尔繇是选。而沉默恬淡，安于冗散。学士邓温伯，与东西省从官列上奏状。朕嘉乃冲静，特俾迁秩。益务敦毳，将有试焉。可特授宣德郎，依旧太学博士。

孙觉除吏部侍郎制

敕。自国家还政文昌，将以致治。而天官四铨，总核人物。澄清流品，未见其人。除拟之间，贤愚同滞。以尔朝请郎试给事中孙觉，文学论议，烛知本原。谏省东台，久从践历。选抡之慎，委寄益降。噫，法之窒阂者更，吏之不虔者逐。赅文弗作，甄序有伦。服我训词，尚有大用。可特授依前官试吏部侍郎。



曹旦知南平军制

敕供备库副使曹旦。西南泸夷，诸种部族。散处丛篁溪谷之阻，与鱼鸟群。卉服而居，畚田而食。乐生恶死，情无甚异。军摩边戍，备预不虞。静而缓之，彼自驯扰。往服吾训，以称人知。可特授依前官权知南平军事。

吕和卿知台州制

敕承议郎尚书金部员外郎吕和卿。临海虽小邦，而有民社之重，朕岂轻之。尔以仕优而学诚，知戒夫墙面之烦，制锦之未易乎？往钦用励，毋忽吾训。可依前官差权知台州。

陆佃礼部侍郎制

敕。方昌贰卿，位次八座。各有典司，咸用专达。天官之选，目色实繁。以尔朝奉郎试吏部侍郎陆佃，方颁以先朝一代大典，纘修笔削，势难兼综。春官宗伯，事虽稀简，目力可周。而典章文物，动关国体，益思明练，以称恩休。可特授依前官试礼部侍郎依旧充修实录院修撰官。



龙图阁直学士朝请大夫知定州蔡延庆朝请大夫 试户部尚书李常并磨勘转朝议大夫制

三考而议黜陟，古今所同；积日而叙勤劳，贵贱无间。矧夫内与六官之长，外总连帅之权。均大计之盈虚，司邻邦之动静。历年应格，稽法当迁。有司以言。朕何敢后。具官李常，奋由疏远，深处刻修。财赋所存，纲目具举。具官蔡延庆，名臣之后，吏治有余。干城四方，安静不扰。咸以待从之选，而应股肱之良。虽尺寸以迁，未彰于异数；而命秩之宠，差慰于久劳。

朝奉郎孙览除右司员外郎制

奉使北方，治河而备边，任亦重矣。以为未足以尽其才也，而置之都司。吾之所以责任尔者可见也。夫分治六官，事无巨细。毕陈于前，若网在纲。振之则举，弛之则尽废。尔昔既称治办矣，勉既厥心，以待来效。

朝奉大夫田待问淮南提刑制

扬、楚春旱秋水，民艰于食，渐起为盗。遂使州县犴狱充满。朕忧之，未始一日忘也。间起尔于山阳守，参领漕事。今又命尔按视刑辟。徒以尔习其风俗，知吏民所疾苦。夫察贪暴，谨追扰，均有无，督盗贼，此荒政之急也。勉勤



其职，以称朕意。

朝散郎殿中侍御史林旦淮南运副使制

淮甸之民，荐罹饥馑。乃者诏发仓禀，发吴楚之漕以拯其急。犹以乏食流徙，达于朕听。朕惟救荒之政，行之略尽。惟得良使者，因事施宜，为若可赖。尔由郎官以才任御史，习于扬、楚之俗，其为朕往视之。均徭薄敛，禁暴戢奸，无使斯人重被其困。



卷一百九

内制赦文三首

明堂赦文

元祐元年九月六日。

门下。圣人之德，无以加孝；帝王之典，莫大承天。朕以眇眇之身，茕茕在疚。永惟置器之重，惕若临渊之深。承明继成，思有以迪先王之烈，绍志述事，未足以慰天下之心。仰系母慈，总揽政体。缉熙百度，和乐四方。赖帝颺临，海宇宁乂。三垂之兵靡警，万邦之年屡丰。庶几大同，光嗣成美。深惟六圣之制，必躬三岁之祠。惟兹肇禋，属予访落。丧有以权而从变，祭无以卑而废尊。顾言总意，古重宗祀。以教诸侯之孝，以得万国之心。我享维天，下武式文王之典；大孝严父，孔子谓周公其人。追惟先猷，尝讲兹礼。包举儒术，咨諏缙绅。刺六经放逸之文，斥众言淆乱之蔽。嘉与四海，灵承一天。革显庆之兼尊，隆徽之专配。成于独断，畀予冲人。遵遗教于前，著成法于后。渭选吉日，



哀辑上仪，奉壘琳宫，奠玉路寝。神之吊矣，燕及皇天；谁其配之，既右烈考。于时夙斋辂之驾，被袞冕之章。备庶物之微，追三牲之养。灵游而风马下，孝奏而日月光。惕然履霜，詎胜凄怆之意；僊然出户，如闻叹息之声。秩祐赉我思成，侍臣助予惻楚。既迄成于熙事，敢专飨于闋休。宣布洪恩，以暨诸夏。云云。於戏，汉庭祀帝，著于即阼之逾年；唐室施仁，固以御门之吉日。盖礼盛者文縟，泽大者流长。尚赖文武之英，屏翰之隼。协恭致治，以辅邦家。

西京奉安神宗皇帝御容礼毕西京

德音赦文 元祐二年十月十四日。

门下。朕以寡昧，仰继圣神。顾瞻山陵，未忘弓剑之慕；盖广宗庙，以奉衣冠之游。祇遣辅臣，往严像设。敞凤台之仙宇，絜龟洛之仁祠。睟表一临，陪京增重。山川改色，方贡祥而效珍；父老纵观，或太息而流涕。宜施雷雨之泽，以答神入之心。云云。於戏，好生育物，既推文母之慈；崇德措刑，终成神考之志。资尔有众，宜体朕怀。

德音赦文 元祐三年六月。

门下。朕以眇躬，获御大器。仰圣后之慈训，荷先烈之永图。四载于兹，涉道尚浅。凜然祇惕，若履渊冰。思所以慰安人心，奉若天道。常虑一夫之失所，以伤万物之太和。蠲苛去烦，夙夜愿治。乃自去冬连月，降雪异常。今春已来，久阴不霁。农夫失职，商旅不通。比屋之间，冻馁弥



甚。常寒之罚，咎在朕躬。惟日兢兢，以图消复。治精致祷，神眷未孚。克己自持，协气无应。切虑四言狱奸，冤滞尚多。工役烦兴，人咨胥怨。郁成繆盭之变，以干阴阴之和。宜均涣恩，以召善气。云云。於戏，遇灾祇戒，聿修信顺之诚；正事布和，庶获天人之助。咨尔中外，咸体朕怀。

内制诏敕九十七首

集官详议亲祠北郊诏

敕门下。国家郊庙时祀祖宗以来，命官摄事，惟三岁一亲郊，则先飨清庙，冬至合祭天地于圆丘，元丰间，有司援周制，以合祭不应古义，先帝乃诏定祠亲北郊之礼，未及施行。是岁，郊不设皇地祇位，而宗庙之飨率如旧制。朕以寡昧，嗣承六圣休德鸿绪。今兹禋礼，奠币上帝，裸鬯庙室，而地祇天神久未亲祀，矧朕方修郊见天地之始。其冬至日南郊，宜依熙宁十年故事，设皇地祇位，以答并飨之报，仍令有司择日遣官奏告施行。厥后躬行方泽之祀，则修元丰六年五月之制。俟郊祀毕，依前降指挥，集官详议亲祠北郊事及郊祀之岁庙飨典礼闻奏。故兹诏示，想宜知悉。

太皇太后赐门下手诏

元祐三年七月八日。

敕门下。皇帝嗣位，于兹四年。华夷来同，天地并位。而皇太妃以恭俭之德，鞠育之恩，虽典册以时奉行，而情文



疑有未称。皇帝以祖考之奉，尊无二上。而吾惟《春秋》之义，母以子贵。其推天下之养，以慰人子之心。宜下礼部太常寺讨寻。如于典故有褒崇未尽事件，令子细开具闻奏。

太皇太后赐门下诏

元祐三年十二月十四日。

敕门下。官冗之患，所从来尚矣。流弊之极，实萃于今。以阙计员，至相倍蓰。上有久闲失职之吏，则下有受害无告之民。故命大臣，考求其本。苟非裁损人流之数，无以澄清取士之源。吾今自以眇身，率先天下。永惟临御之始，尝敕有司。荫补私亲，旧无定限。自惟薄德，敢配前人。已诏家庭之恩，止从母后之比。今当又损，以示必行。夫以先帝顾托之深，天下责望之重。苟有利于社稷，吾无爱于发肤。矧此恩私，实同毫末。忠义之士，当识此诚。各忘内顾之心，共成节约之制。今后每遇圣节大礼生辰合得亲属恩泽，并四分减一。皇太后、皇太妃准此。

赵州赐大辽贺兴龙节大使茶药诏

元祐元年十月六日。

敕。卿肃将庆币，远涉川途。风埃浩然，徒驭勤止。宜加宠锡，以示眷怀。

赵州赐大辽贺兴龙节副使茶药诏

元祐元年十月六日。

敕。卿将命夙兴，犯寒远涉。驾言未息，轸念殊深。特



致恩颁，以嘉勤瘁。

赐皇叔祖建雄军节度观察留后同知大宗
正事宗景上表辞恩命不允诏

元祐元年十月九日。

敕宗景。省所上表辞免恩命事，具悉。朕初执珪币，祇见上帝。嘉与百辟，徼福文考。大赉四海，始于亲贤。皆神之休，义不当避。国有常典，尔无固辞。

赐皇叔祖宗景上表辞恩
命不许诏

元祐元年十月九日。

敕宗景。览所上表辞免恩命事，具悉。国家有大祭祀，必均庆赏。邦甸侯卫，辉炮翟阍。无有远迩，毕蒙惠泽。矧我懿亲，实维显相。祇率旧典，毋须固辞。

赐新除检校太保依前河西军节度使
阿里骨加恩制告诏

元祐元年十月十五日。

敕阿里骨。朕涓选灵辰，奉承宗祀。肆均介福，遍暨多方。卿世抚侯封，夙虔朝命。特加宠渥，用奖忠嘉。



太皇太后赐故夏国主嗣子乾顺诏

元祐元年十一月十六日。

惟我列圣，眷尔有邦。非徒极其宠荣，盖亦同其忧患。念尔哀疚，惻然顾怀。临遣行人，往喻至意。且致奠赙之礼，以为存没之光。

赵州赐大辽贺正旦副使

茶药诏

元祐元年十月十九日。

敕。卿抗旌出境，夙驾在途。眷言跋涉之劳，宜适兴居之节。式颁良剂，以辅至和。

赵州赐大使茶药诏

元祐元年十月十九日。

敕。卿远饬使轺，讲修邻好。蒙犯风雾，跋履山川。宜颁锡于珍芳，庶辅安于寝食。

赵州赐大辽国贺太皇太后正旦

大使茶药诏

元祐元年十月十九日。

敕。卿恭讲邻欢，远勤轺驭。言念驱驰之久，适于寒洹之辰。宜锡珍良，式昭眷宠。



赵州赐副使茶药诏

元祐元年十月十九日。

敕。卿远持使节，来庆春朝。方此沍寒，良勤启处。宜示眷怀之异，式颁剂和之良。

赐镇江军节度使检校太傅开府仪
同三司上柱国康国公判大名府韩绛
上表乞致仕不允诏

元祐元年十月二十日。

敕韩绛。览所上表陈乞致仕事，具悉。卿四世元老，国之长城。端笏垂绅，不动声气。风采所及，自然折冲。轩冕丘园，其实何异。矧今艰难之际，日有冰渊之虞。黄发在廷，未敢言病。岂宜独善，遽欲即安。尚分北顾之忧，勿起退归之念。强食自辅，体我至怀。

赐韩绛上表乞致仕不允诏

元祐元年十月二十日。

敕韩绛。省所上表陈乞致仕事，具悉。功成身退，人臣之常。寿考康强，有不得谢。卿出入将相，垂三十年。岂以小郡，尚勤元老。徒得君重，卧护一方，使吏民瞻师尹之仪刑，蛮夷识汉相之风采。丘园之请，朕未欲闻。其省思虑，时寝食，亲近药饵，以副中外之望。



赐金紫光禄大夫守尚书右仆射兼中书侍郎吕公著生日诏

元祐元年十月二十七日。

敕公著。卿将相三世，辅翼两朝。方《斯干》献梦之辰，有《既醉》太平之福。宜膺庆赉，永锡寿康。

赐新除依前中大夫守中书侍郎吕大防辞恩命不允诏

元祐元年十一月四日。

敕大防。卿敦大直方，任重道远。擢贰西省，蔽自朕心。虽与闻政事，为日未久，而历试中外，勤劳百为，盖有年矣。德位惟允，人无间言。亟服新命，毋烦朕训。

赐新除御史中丞傅尧俞辞免恩命不允诏

元祐元年十一月六日。

敕尧俞。《诗》云：“刚亦不吐，柔亦不茹。”朕以卿有樊仲之风，是以擢卿为中执法。才难之叹，古今共之。岂以小嫌，而废大任。与其拘文以自疑，不若直己而行义。亟服乃事，无烦固辞。



赐正议大夫同知枢密院事安

燾乞退不允诏

元祐元年七月十三日。

敕安燾。卿才当其位，义不辞劳，内之枢机之谋，外之疆场之议。既当身任其责，难以家事为辞。而况并奉君亲，两全忠孝。进无不得，退以何名。卿之所求，固非矫激。朕之不许，亦岂空文。亟还厥官，无烦朕命。

赐韩绛上第二表乞致仕不允诏

元祐元年十一月十四日。

敕韩绛。朕以眇躬，求助诸老。皆以艰难之际，不辞中外之劳。胡为累章，确守归意。岂朕不善西伯之养，而无人子思之侧乎？三复喟然，未喻厥指。朕意不易，卿其少安。

赐韩绛上第三表乞致仕不许

断来章诏

元祐元年十一月十四日。

敕韩绛。君臣之义，忧乐同之。苟皆怀归，谁任其事。卿之高识雅度，轻轩冕而乐丘园，天下所共知也，独不念先帝托付之重乎？勉徇大义，勿复以言。



赐韩绛上第三表乞致仕不许

断来章诏

元祐元年十一月十四日。

敕韩绛。功成身退，人臣之常礼。至于非常之遇，则必有无穷之报。朕待卿于形器之表，而卿自处于绳墨之内，未为得也。朕意不易，卿无复辞。

赐新除依前光禄大夫刑部尚书苏

颂辞恩命不允诏

元祐元年十月十七日。

敕苏颂。卿笃于仁心，深于经术。用心司寇，期于无刑。朕惟孝处之深，三年不夺其志。又推才难之故，千里以待其来。卿而不能，谁当能者。亟服乃事，毋烦力辞。

赐新除落致仕依前光禄大夫

范镇赴阙诏

元祐元年十月二十日。

敕范镇。夫有德君子，以精神折冲。譬之麟凤，能服猛兽。朕虚怀前席，以致诸老，非敢必以事诿也。苟得黄发之叟，皤然在位，则朝廷尊严，奸宄消伏。卿虽笃老，乃心王室。毋惮数舍之劳，以副中外之望。



皇帝赐故夏国主嗣子乾顺进奉贺

正马驼回诏

元祐元年十二月二十四日。

诏故夏国主嗣子乾顺。远奉王正，来归时事。惟此充庭之实，率皆任土之宜。乃眷忠勤，良深嘉叹。

太皇太后赐故夏国主嗣子乾顺进奉

贺正马驼回诏

元祐元年十二月二十四日。

诏故夏国主嗣子乾顺。述职春朝，归诚宰旅。修此效牵之礼，致其乘服之良。再阅来章，式嘉忠节。

赐观文殿大学士知颖昌府韩缜上表

辞免恩命不允诏

元祐元年十二月二十五日。

敕韩缜。朕躬祀总章，始行严配。推广帝亲之泽，覃及中外之臣。惟我老成，逮受顾命。均此介福，非朕敢私。国之故常，毋烦谦避。



赐镇江军节度使判大名府韩绛上第二表

乞致仕不许诏

元祐元年十二月二十九日。

敕韩绛。为国无强于得人，用人莫先于求旧。虽已挂冠而谢事，尚俾安车而造朝。岂有体力未衰，蕃宣所寄，亟图自便，遂欲言归。矧卿德望并隆，神人所相。焉有满盈之惧，夫何倚伏之虞。尚体至怀，少安厥位。

赐观文殿学士正议大夫知河南府孙固

乞致仕不许诏

元祐元年正月一日。

敕孙固。视国如家，忠臣可以忘老；视民如子，君子可以忘劳。卿被遇三朝，出入二府。德望并隆，中外所服。故起之词馆，付以留龠。使士有矜式，民有依怙。属任之意，岂轻也哉！释位谋安，引年求避，此疏远小臣之事，非所望于卿者。尚体至意，勿亟怀归。

赐观文殿学士正议大夫知河南府

孙固乞致仕不许诏

元祐二年正月一日。

敕孙固。卿英祖所擢，以遗神考。乃眷旧学，用之西枢。朕即位二年，未见君子。每惟图任旧人之意，常有越在外服之叹。矧欲辞位而去，遂安丘园哉！三川重镇，务举大



体。簿书期会，则有司存。优游卒岁，可以忘老。

赐观文殿学士正议大夫知河南府
孙固乞致仕不许诏

元祐二年正月二十五日。

敕孙固。廊庙之旧，历事三朝。名德并隆，如卿者有几。无故释位，其谓朝廷何！卿既自为谋，亦为乃后谋之。勉遵前诏，以慰中外之望。

赐观文殿学士正议大夫知河南府孙固
乞致仕不许诏

元祐二年正月二十五日。

敕孙固。朕永怀三宗，追用其人。所以尊礼慰藉其意者，自以为无失矣。而卿浩然怀归，若不可复留，何哉？勉徇大义，毋违朕志。

赐新除枢密直学士知定州韩忠彦
乞改一偏州不允诏

元祐二年二月。

敕忠彦。朕尝览阅古之图，观宗臣之文。俯仰今昔，有概于心。会中山阙守，差择循良。卿庶几焉，勉副朕意，何以辞为。



赐枢密直学士守兵部尚书王存乞知陈州不允诏

敕王存。卿出入四朝，更涉夷裔。金石之节，终始惟一。六卿之长，所以倡九牧而厚风俗也，岂以职事烦简为轻重哉！君子出处，朝廷之大事，而风雨寒暑，肤理之微疾也。姑安厥位，以称朕意。

赐尚书左丞李清臣生日诏

元祐二年二月二十四日。

敕清臣。春之方中，月复几望。笃生王国之彦，蔚为廊庙之华。神既听于靖恭，民亦宜于恺悌。膺我庆赐，永绥寿祺。

赐朝散大夫试御史中丞傅尧俞

乞外郡不允诏

元祐二年三月十三日。

敕尧俞。负中外之望，居得言之地。朕方虚己，乐闻嘉猷。乃者水旱连岁，民流未止。贼盗将炽，财力靡敝。卿既欲图实效以酬恩，朕亦将考所言以责实。偃息藩郡，岂所望哉！



赐镇江军节度使充集禧观使韩绛茶药诏 元祐二年三月。

敕韩绛。春夏之交，寒燠相沴。起居之节，调适为难。眷予元臣，久劳于外。宜加存问，且锡珍良。勉蹈至和，以符眷倚。

赐保宁军节度使冯京告敕茶药诏 元祐二年三月二十一日。

敕冯京。卿以笃老，久勤外服。留翕之重，拥髦而东。蒙犯氛埃，徒御良苦。宜省思虑，近药物。勉遵时令，以副眷怀。

赐镇江军节度使充集禧观使
韩绛赴阙诏 元祐二年三月二十七日。

敕韩绛。卿擢自祖宗，辅翼先帝。德望之重，天下耸闻。与其置之一方，劳以民事；不若归安阙下，式瞻仪刑。请老闲居，固非所望。嘉猷入告，夫岂不能。迟卿言还，及此初夏。



赐镇江军节度使充集禧观使

韩绛赴阙诏

元祐二年三月二十七日。

敕韩绛。为天下计，则贤者常劳。为人臣谋，则老者当逸。今朝廷待卿之意，酌处其中。奉朝请于琳宫，所以系民望；释负荷于留龠，所以慰雅怀。勉及清和，亟还朝著。

赐尚书刑部侍郎范百禄乞

外任不允诏

元祐二年三月二十九日。

敕百禄。成王命君陈：“商民在辟，予曰辟，尔惟勿辟，予曰宥，尔惟勿宥，惟厥中。”古之有司，与天子相可否盖如此，而况公卿之间，议有异同，而不尽其说哉！例在中书，与在有司，固宜审处，归于至当。而卿遽欲以此去位，非古之道也。其益修厥官，以称朕意。

赐龙图阁直学士新差知秦州吕公孺乞改授

宫观小郡差遣不允诏

元祐二年四月三日。

敕公孺。朕顾怀西方，思得贤守，使边有备而民无扰。以卿耆老练达，德宇渊静。秦又旧治，吏士服习。卧护诸将，无以易卿。



赐彰化军节度使开府仪同三司判大宗正事宗晟
上表乞还职事不允诏

元祐二年四月十五日。

敕宗晟。《书》云：“孝乎，惟孝友于兄弟，施于有政，是亦为政。”卿以膝下之养，为宗人之法。古人为政，孰大于此，而欲以亲辞职耶？其益修厥官，以称吾意。

赐彰化军节度使开府仪同三司判大宗正事
宗晟上表乞还职事不允诏

元祐二年四月十五日。

敕宗晟。古者庶子之官设，而邦国有伦。所治虽简，而所寄甚重。卿为宗室祭酒，德度之美，刑于中外。朕方庆瓜瓞之茂，而欲观麟趾之应。益励厥职，无弃尔成。

赐故夏国主嗣子乾顺进奉谢恩
马驼回诏

元祐二年四月十七日。

诏故夏国主嗣子乾顺。临吊之重，以宠世臣。思报之深，复承来价。载阅充庭之实，备形述职之心。乃眷忠勤，不忘嘉叹。



赐故夏国主嗣子乾顺进奉谢恩

马驼回诏

元祐二年四月十七日。

诏故夏国主嗣子乾顺。向遣行人，往赉襄事。继陈方物，来奉谢章。惟忠可以附民，惟礼可以定国。勉终诚节，以副眷怀。

赐新除尚书左丞刘摯辞免恩命不允诏

敕刘摯。朕昔闻卿言，今任以政。已试之效，见于事功。廊庙阙人，以次迁用。宜其右不宜其左，能于昔不能于今，岂有是哉！

赐新除中大夫守尚书右丞王存辞免

恩命不允诏

元祐二年五月二十六日。

敕王存。朕历选百辟，试之以事，醇厚而文，刚毅而和，更涉变故，守德不移，无逾卿者。夫享天下之利者，任天下之患。居天下之乐者，同天下之忧。朕非以是富贵卿也，其何以辞。



赐集禧观使镇江军节度使开府仪同三司

韩绛乞致仕不允诏

元祐二年六月四日。

敕韩绛。向以宏才，卧护北道。凡斯民之利病，盖一方之安危。朕方虚怀，以待元老。冀疾病之有间，得雍容而造朝。时闻嘉言，以辅不逮。告第之请，殊非朕心。

赐韩绛乞致仕不允诏

元祐二年六月四日。

敕韩绛。元老在位，邦之荣华。徒以精神折冲，非以筋力为礼。游神道馆，拥节家庭，于卿同告老之安，而国有贪贤之美。勉自辅养，期于少留。

赐新除试吏部侍郎范百禄辞免

恩命不允诏

元祐二年六月十二日。

敕百禄。夫以天官之贰，治夏卿之选。簿书繁重，条格纷委。苟非其人，则士之失职而无告者多矣。朕难其材，不以轻授。卿有应务之敏，而行之以勤，有守官之亮，而济之以通。往行其志，何以辞为。



赐新除吏部侍郎傅尧俞辞免恩命

乞知陈州不允诏

元祐二年六月十三日。

敕尧俞。连蹇三黜，栖迟十年。士无贤愚，为国太息。如珠玉之在泥土，麟凤之在网罗。朕所以拔卿于久废之中，用卿于期年之内。天下拭目，欲观所为。而乃引微疾以自信，指便郡而求去，岂独于卿有报国未遂之叹，亦将使朕获用贤不终之讥。勉复旧曹，以全大节。

赐同知枢密院事范纯仁生日诏

元祐二年六月十八日

敕范纯仁。卿天资文武，世济勋劳。载嘉诞日之临，岂独私门之喜。宜膺庆赐，以介寿祺。

赐新除知枢密院安燾辞免

恩命不允诏

元祐二年六月二十四日。

敕安燾。人才之难，从古所叹。图任以旧，为国之常。卿以环异之资，荷艰难之寄。勤劳靡懈，望实愈隆。虽云超升，不改畴昔。徒以任之既久，则责之宜专，知无不为，乃所望于卿者。卑以自牧，亦何补于国哉。



赐朝议大夫试户部尚书李常乞除沿边一州

不允诏 元祐二年六月二十二日。

敕李常。在泮献馘，亦儒者之常。挺剑疾斗，盖孔门之事。虽然，义有轻重，理有后先。与其自请捍边，已癰疥之疾；曷若尽瘁事国，干心膺之忧。苟推是心，何往非报。虽愿受长纆而往者，卿之本怀；然自以尺箠而鞭之，吾有余力。尚体此意，姑安厥官。

赐太师平章军国重事文彦博宰相吕公著自今后

入朝凡有拜礼宜并特与免拜诏 元祐二年八月二十五日。

敕彦博。朕闻几杖以优贤，著之典礼；耄老无下拜，书于《春秋》。魏太傅钟繇，以足疾乘车就坐，自尔三公有疾，以为故事。而唐司徒马燧，亦以老病自力，对于延英，诏使毋拜。今吾耆老大臣，四朝之旧，德隆而望重，任大而忧深者，惟卿与公著而已。吕公著诏即改云：惟彦博与卿而已。方资其耆龟之告，岂责以筋力之礼。今后入朝，凡有拜礼，宜并特免。卿其专有为之报，略无益之仪。毋或固辞，以称朕意。



賜新除兼侍讀依前光祿大夫吏部尚書蘇頌辭免

恩命不允詔元祐二年八月二十七日。

敕蘇頌。朕惟左右正人之求，甚難其選。以為直亮多聞之益，宜莫如卿。方虛懷于至言，豈曲從于遜避。亟服乃事，毋煩固辭。

賜守司空開府儀同三司致仕韓絳乞受冊禮畢

隨班稱賀免赴詔元祐二年八月二十七日。

敕韓絳。卿脫屣軒冕，頤神丘園。不為絕俗之高，愈篤愛君之意。喜聞冊号，請覲內廷。在臣子之誠心，卿為盡節；顧筋骸之未禮，吾所未安。

賜宰相呂公著乞罷免相位不允詔元祐二年八月二十八日。

敕公著。宰相之責，綏靖四方。羌人既俘，士氣益振。長轡遠馭，方資老謀。卿不强起，孰卒吾事？近以二老之故，削丞拜之禮。而彥博執謙不回，朕既從其請矣。卿起就位，復何疑哉！



赐前两府并待制已上知州初冬衣袄诏 元祐二年九月七日。

敕元发。岁将墜户，工告始裘。宜颁在笥之珍，以示维藩之宠。服之安燠，体我眷怀。

赐太师文彦博乞致仕不允诏 元祐二年九月十日。

敕彦博。卿求退之意，著于士民；执谦之心，信于天地。勉当委重之托，初无怀禄之嫌。大义苟安，细故可略。朕命不再，卿其少安。

赐太师文彦博乞致仕不允诏 元祐二年九月十日。

敕彦博。论道则忘年，卿不可以年既高而为请；称德则鄙力，卿不可以力不足而为辞。断之于中。义有不易。岂以屡请之故，而废将成之功。体君至怀，以慰公议。

赐龙图阁直学士尚书工部侍郎蔡延庆乞知
应天府不允诏 元祐二年九月十六日。

敕延庆。入侍禁近，出殿藩服。已试之效，蔼然有声。今若予工，宜有余力。夫游刃肯綮，尚不辞难；退食委蛇，岂当告病。肤理微疾，行当自痊。勉安厥官，以称联意。



赐尚书左丞刘摯生日诏

元祐二年九月二十二日。

敕刘摯。律协应钟，辰集析木。实生俊辅，休有令名。膺我宠章，以介眉寿。

赵州赐大辽皇帝贺兴龙节大使

茶药诏

元祐二年九月二十七日。

敕。卿邻欢载讲，使节甚华。永言邮传之勤，适此风霜之候。宜加宠赉，以示眷存。

赵州赐大辽皇帝贺兴龙节副使

茶药诏

元祐二年九月二十七日。

敕。卿载驰远道，良苦祈寒。岂无药物之嘉，以辅寝兴之节。宜膺宠锡，尚休至怀。

赐太师文彦博生日诏

元祐二年九月二十九日。

敕彦博。阳月载临，刚辰协吉。笃生元老，弼亮四朝。允为廊庙之华，岂独闺门之庆。往膺宠数，永锡寿祺。



赐资政殿学士太中大夫新知成都府王安礼
乞知陈颖等一郡不允诏

元祐二年十月一日。

敕安礼。朕惟西蜀地狭而赋重，入懦而吏肆。徭役新定，农民在官。驭之无方，将不胜弊。惟朕左右信臣，明而不苛，宽而有断。必能肃遏慢吏，扶养小弱。卿虽微疾，强为朕行。时近药石，勉事道路，称朕意焉。

沿路赐奉安神宗御容礼仪使吕大防银合
茶药诏

元祐二年十月七日。

敕大防。于赫神考，如日在天。虽光明无所不临，而躔次必有所舍。肆予命尔，祇奉此行。礼既告成，勤亦良至。感慕之外，嘉叹不忘。

赐资政殿学士太中大夫新差知成都府王安礼
银合茶药诏

元祐二年十月八日。

敕安礼。朕求治如不及，用人惟恐失之。矧余良臣，擢自神考。出入中外，厥声蔼然，朕岂欲其远去哉。特以全蜀之寄，甚难其选。知卿笃于忠义，当不以远近为意也。勉事道路，慎疾自爱。往安吾民，以称朕意。



赵州赐大辽贺太皇太后正旦大使

茶药诏元祐二年十月十七日。

敕。卿久勤轺传，远犯风埃。眷言行迈之劳，良极轸怀之意，往颁珍剂，以辅至和。

赵州赐大辽贺太皇太后正旦副使

茶药诏元祐二年十月十七日。

敕。卿远乘使传，来讲邻欢。属此沍寒，尚勤行役。往加问劳，式示眷怀。

赵州赐大辽贺皇帝正旦大使茶药诏元祐二年十月十七日。

敕。卿远庆春期，笃修邻好。永惟使事之重，遂忘行役之劳。既极叹嘉，宜申问劳。

赵州赐大辽贺皇帝正旦副使茶药诏元祐二年十月十七日。

敕。徂岁向晚，修途苦寒。方趋造于会朝，未即安于舍馆。往加恩锡，增重使华。



赐宰相吕公著生日诏

元祐二年十月十八日。

敕公著。卿三世将相，四朝耆老。赉我良弼，实惟兹辰。茂膺维岳之灵，永锡如陵之寿。宜颁宠数，以示眷怀。

赐新除龙图阁直学士李之纯辞恩命

不允诏

元祐二年十二月四日。

敕之纯。祖宗之文章与典谟训诰，并宝于世，典领其事，非有德君子，虽积劳久次，不以轻授。蜀远而人懦，穷困抑塞，至无所诉。朕专欲以德安之，故内阁之命，非独以宠卿，抑将使蜀人知朕用卿，盖以德选也。其深识此意，勿复固辞。

赐太师文彦博乞致仕不允诏

元祐二年十二月二十五日。

敕彦博。卿自去岁以来，数苦小疾，尚能勉留，以辅不逮。近者神明所相，体力自康，视听不衰，步趋加健，乃欲求去耶？今御戎之策，未有定议，京东西、河朔荐饥，公私枵然。方与二三臣图之，卿未可以即安也。



賜文彥博乞致仕不允詔

元祐二年十二月二十五日。

敕彥博。卿历相三宗，名闻四夷。位极一品，书考四十。自载籍以来，未之闻也。固当以国为家，以天下为身，以安社稷为悦，而不当以居丘园为乐也。朕方侍卿而为政，请老之言，所未欲闻。

賜外任臣寮进贺太皇太后受册

马诏敕

元祐二年十二月二十六日。

敕。礼以正名，国之旧典。载阅充庭之实，式将戴后之心。朕眷忠勤，良深嘉叹。

賜外任臣寮进奉贺皇太后皇太妃受册

马诏敕

元祐二年十二月二十六日。

敕。典册告成，宫闈之庆。事君尽礼，因物见诚。乃眷忠勤，不忘嘉欢。



赐保宁军节度使知大名府冯京进奉贺端午节

马诏 元祐二年十二月二十六日。

敕冯京。受钺将坛，剖符畿甸。效充庭之骏足，庆中火之良辰。乃眷勤诚，不忘嘉叹。

赐资政殿学士知邓州韩维进奉谢恩

马诏 元祐二年十二月二十六日。

敕韩维。庙堂均逸，远不忘君。駉骏在庭，仪多于物。载惟忠荇，良极叹咨。

赐检校司空左武卫上将军郭逵进奉谢恩

马诏 元祐二年十二月二十六日。

敕郭逵。惟卿耆老，渐就退闲。不忘戴主之诚，远效充庭之骏。载嘉忠荇，良极叹咨。

赐中大夫守尚书右丞王存生日诏 元祐三年正月四日。

敕王存。卿以宏才，与闻大政。诞日之庆，岂惟闺庭。宠锡之隆，庶延寿嘏。



赐试户部侍郎赵瞻陈乞便郡不允诏 元祐三年正月十三日。

敕赵瞻。朕褒显耆旧，取其宿望，养育俊乂，待其成材。庶前后相继，朝不乏人。则堂陛自隆，国有所恃。方今在廷之士，孰非华发之良？而卿以康强之年，为远引之计，于义未可，盖难曲从。

赐皇伯祖宗晟辞免起复恩命不许诏 元祐三年二月十五日。

敕宗晟。卿哀迫之至，言不及文。览之惻然，欲从所请。而宗子之众，才性各殊。位不期骄，禄不期侈。非卿允蹈忠信，力行礼义，以身先之，盖未易齐也。少屈尔私，以成吾志，不亦可乎？

赐皇伯祖宗晟辞免起复恩命不许诏 元祐三年二月十五日。

敕宗晟。卿以强起就位，为未便安。而朕以徇私忘以，为未尽美。《书》云：“孝乎，惟孝友于兄弟，施于有政，是亦为政。”夫圣人以孝弟为从政，而卿以从政为非孝，非所闻也。勉从朕命，勿复固辞。



赐皇伯祖宗晟辞免起复恩命不许诏

元祐三年二月十五日。

敕宗晟。卿致孝罔极，守礼不回。以鲁、卫之亲，而行曾、闵之事。吾深欲成人之美，遂卿之私。顾以宗臣治亲，有国先务。教以道艺，时其冠昏。奖察其贤能，而训谕其骄惰。非吾宗室之老，孰当父兄之任？其深明吾意，往服厥官。

赐皇伯祖宗晟辞免起复恩命不许诏

元祐三年二月二十二日。

敕宗晟。君子之于礼，虽先王未之有，可以义起，而况汉、唐之旧，故事具存。如翟方进、房乔之流，皆以儒术致身，不免于释哀而谋国。近岁夏竦、晁宗宪，亦以近臣夺丧，君子不以为过。今宗正之事，止于治亲。譬犹父兄，训敕子弟。岂以衰麻之故，而废闺门之政乎？卿其勿疑，亟服乃事。

赐保宁军节度使知大名府冯京进奉兴龙节并
冬至正旦马诏

元祐三年二月二十五日。

敕冯京。震夙之祥，旅庭称庆。岁时之会，因物效诚。乃眷元臣，实勤典礼。多仪克举，屡叹不忘。



赐外任臣寮进奉谢恩马诏敕

元祐三年二月二十六日。

敕。衔恩思报，因物致诚。效兹乘服之良，示有驱驰之志。永言忠荃，良极叹咨。

赐外任臣寮进奉兴龙节功德疏诏敕

元祐三年二月二十六日。

敕。诞弥之庆，中外所同。毕输卫上之诚，来献后天之祝。永言忠荃，良极叹嘉。

赐新除守司空同平章军国事吕公著辞免恩命
不允诏

元祐三年四月六日。

敕公著。委重元老，朕之本心。归安丘园，卿之素志。今于二者，酌处其中。使卿获居劳逸之间。而朕不失仰成之托。于义两得，夫复何辞。

赐新除太中大夫守尚书左仆射兼门下侍郎吕大防
辞免恩命不允诏

元祐三年四月六日。

敕大防。端揆黄门之任，虚之久矣。以卿德望兼重，才术有余，故授之不疑。涣号已行，僉言惟允。务称朕命，何



以辞为。

赐新除太中大夫守尚书右仆射兼中书侍郎范纯仁
辞免恩命不允诏

元祐三年四月六日。

敕纯仁。国之安危，寄于宰辅。朕岂苟然而轻授也哉。试之以事而不移，断之于心而不贰。成命已出，岂容复回。往修厥官，以称朕意。

赐观文大学士光禄大夫知永兴军韩缜三上表乞致
仕不许断来章诏

元祐三年四月七日。

敕韩缜。夫任天下之责者，无自营之私。蒙国士之知者，有非常之报。矧卿德望兼重，体力犹强。方资御侮之壮猷，焉用引年之常礼。宜安厥位。毋复言归。



卷一百十

内制诏敕五十二首

赐观文殿大学士光禄大夫知永兴军韩缜三上表
陈乞致仕不允断来章诏

元祐三年四月七日。

敕韩缜。朕体貌诸老，仪刑四方。假以方面之安，略其筋力之礼。如卿屡请，固无怀禄之嫌；而朕固留，宜有志归之意。今中外无事，民物小康。顾恐安居之荣，未逾坐啸之乐。朕命不易，卿其少安。

赐新除太中大夫守尚书右仆射兼中书侍郎范纯仁
再上扎子辞免恩命不允诏

元祐三年四月七日。

敕纯仁。卿奉事先帝，义深爱君。与政西枢，论不阿



世。昔闻汲黯之不夺，今见徐公之有常。参以众言，蔽自朕志。右宰之任，非卿而谁。屡执谦词，殊非所望。

赐新除依前中大夫守中书侍郎刘摯辞免

恩命不允诏 元祐三年四月七日。

敕刘摯。朝廷设三省，建丞弼，虽所治不同，至于因时立政，昭德塞违，其实一也。卿既任其事矣，今以次迁，无足辞者。

赐新除依前中大夫守尚书左丞王存辞免

恩命不允诏 元祐三年四月七日。

敕王存。卿学足以经邦，不足以应务。更练愈久，开益居多。以积日而稍迁，顾僉言之咸允。国之常典，何以辞为。

赐新除中大夫守尚书右丞胡宗愈辞免恩命

不允诏 元祐三年四月七日。

敕宗愈。卿昔在谏垣，首开正论。出入滋久，操守不回。雅望在人，既非一日之积。历试而用，亦自群言之公。往祇厥官，毋替朕命。



赐新除依前中散大夫充枢密直学士签书枢密院事
赵瞻辞免恩命不允诏

元祐三年四月七日。

敕赵瞻。朕惟本兵之地，司命吾民。矧羌戎叛服之无常，实边鄙安危之未决。岂以此柄，轻授其人。以卿望重缙绅，学兼文武。历试而用，众言允谐。往践厥官，勿违朕命。

赐新除门下侍郎孙固辞恩命不允诏

元祐三年四月八日。

敕孙固。朕惟三朝老臣，义同休戚。先帝旧学，存者几人。意其风采之耸闻，可使朝廷之增重。矧卿德望素著，寄任已隆。昔冠西枢，今贰东省。众以为允，义无足辞。

赐新除试御史中丞孙觉辞免恩命
不允诏

元祐三年四月八日。

敕孙觉。卿三居谏省，皆以直闻。盖尝遇事以建言，志在行义以达道。擢为执法，实允僉言。以卿直谅多闻，而朕开纳不讳。固无观望难言之病，岂有丧失名节之忧哉！载阅来章，甚非所望。



赐新除右光禄大夫依前知枢密院事安燾辞恩命
不允诏

元祐三年四月八日。

敕安燾。卿谋国之重，历年于兹。纪纲修明，中外宁辑。夫图任共政，所忧者大；则久劳迁秩，亦理之常。虽固执于硁谦，恐难回于成命。往服休宠，以彰眷怀。

赐新除中大夫守尚书右丞胡宗愈辞免恩命
不允诏

元祐三年四月十日。

敕宗愈。卿更涉夷险，践馭中外。出奉使指，而民宜之。入治天官，而吏畏之。非独能言者也。《书》不云乎：“敷奏以言，明试以功。”朕得知之矣，卿其勿辞。

赐新除依前中散大夫充枢密直学士签书枢密院事
赵瞻辞免恩命不允诏

元祐三年四月十日。

敕赵瞻。朕之进人，可谓难矣。自非耆老久次，恟懞无华，则枢机之任，不以轻授。卿之自视，何愧于斯。祇服厥官，思所以称而已。



赐新除翰林学士朝请大夫知制诰许将

赴阙诏

元祐三年四月十二日。

敕许将。卿敏而好学，达于从政。出殿方国，则修儒术以饰史事；入备顾问，则酌民言以广上听。待命北门，号称内相。虽于卿为旧物，实当今之高选。亟践厥职，伫闻嘉猷。

赐新除司空同平章军国事吕公著辞免

册礼许诏

元祐三年四月十三日。

敕公著。多仪以隆辅弼，国之彝典；自损以信君父，卿之美志。再阅诚言之请，益彰谦德之光。勉徇所陈，不忘嘉叹。

赐正议大夫知枢密院事安燾辞免迁官

恩命允诏

元祐三年四月十五日。

敕安燾。卿国之隼辅，位冠枢庭。以时褒升，岂待功阙。而能力辞宠命，欲以身率群臣，使廉耻相先，名器益重。勉从来请，以笃此风。



赐新除中大夫守尚书右丞胡宗愈辞免恩命
不允诏

元祐三年四月十五日。

敕宗愈。朕之用卿，盖听其言，考其行事，参之公议，而断自朕心，可谓审矣。而卿固辞不已，朕甚惑之。夫小人以位为宠，求之而不可得，君子以宠为忧，推之而莫能去。自古以然，卿何疑哉。

赐新除司空同平章军国事吕公著辞免
册礼允诏

元祐三年四月十五日。

敕公著。册祝于庙，惟周之典。临朝亲拜，亦汉之旧。事大则礼重，礼重则乐备，古之道也。今卿逊避不居，自处以约。勉从所乞，以成其美。

赐许将辞免恩命不允诏

元祐三年四月十八日。

敕许将。进以经术，当告我以安危；来自西南，固知民之利病。渴闻说论，少副虚怀。而乃退托无能，力辞旧物。既非所望，其可曲从。



赐河西军节度使西蕃邈川首领阿里骨进奉

回诏

元祐三年四月二十二日。

敕阿里骨。惟尔祖先，世笃忠孝。本与夏贼，日寻干戈。亦惟恃我朝廷爵秩之隆，用能保尔子孙黎民之众。肆朕命尔，嗣长乃师。而承袭以来，强酋外擅，尔弗能禁。恣其所为，遂据洮城，以犯王略，阴连夏贼，约日盗边。朕愍属羌之无辜，出偏师而问罪。元恶俘获，余党散亡。山后底平，河南绥服。朕惟率酋豪而捍疆场，乃尔世功；叛君父而从仇雠，岂其本意。庶能改过，未忍加兵。果因物以贡诚，愿洗心而效顺。尔既知悔，朕复何求。已指挥熙河路更不出兵。及除已招纳到部族外，住罢招纳。依旧许般次往来买卖，及上京进奉。尔宜约束种类，共保边陲。期宠禄于有终，知大恩之难再。勿使来款，复为虚言。

赐新除依前朝散大夫守尚书吏部侍郎

充龙图阁待制傅尧俞辞免恩命

不允诏

元祐三年五月二十三日。

敕尧俞。夙望所在，旧疾既平。及兹言还，慰我虚位。徒得君重，虽暂屈于淮阳。雅意本朝，宁久安于冯翊。复求自便，殊戾所期。往修厥官，务称朕命。



赐守尚书右丞胡宗愈乞除闲慢差遣
不允诏

元祐三年五月二十七日。

敕宗愈。朕开奖言路，通来上情。虽许风闻，犹当核实。岂以无根之语，轻摇辅政之臣。朕方驭众以宽，退人以礼。加之美职，付以大邦。朕既无负于听言，卿亦何嫌而避位。祇服乃事，毋自为疑。

赐尚书右仆射兼中书侍郎范纯仁
生日诏

元祐三年六月九日。

敕纯仁。卿河岳之灵，神明所相。载更诞日，永介寿祺。体我眷怀，受兹宠锡。

赐正议大夫守门下侍郎孙固
生日诏

元祐三年六月二十三日。

敕孙固。卿图任之旧，缙绅所推。难老之祥，神人攸相。载更良日，益永寿祺。申以宠章，式隆眷遇。



赐正议大夫知枢密院事安燾

生日诏 元祐三年六月二十三日。

敕安燾。桑弧告庆，降哲辅于兹辰；彩服拜嘉，冠荣名于当代。祇服朕命，益寿乃亲。

赐龙图阁学士河东路经略使兼知太原府曾布乞除

一闲慢州郡不允诏 元祐三年七月二十一日。

敕曾布。将不久任，难以责成。谋不素定，难以应猝。卿屡试剧郡，所临有声。而况二年于兹，诸将所服。事既即叙，人谁易卿。夫捣虚攻瑕，兵家常势；知难避整，夷狄亦然。卿若有以待之，彼将望而去矣。勉卒乃事，毋忘朕言。

赐河西军节度使西蕃邈川首领阿里骨进奉

回程诏 元祐三年八月三日。

敕阿里骨。卿屡款塞垣，愿终臣节。爰因贡篚，益著诚心。再省忠勤，良深嘉叹。



赐皇叔改封徐王顥上表辞免册礼

允诏 元祐三年八月二十日。

敕顥。卿大雅不群，自得诗书之富；为善最乐，不知轩冕之荣。既殿大邦，宜膺盛礼。而抑损之志，逡巡不居。虽莫称朕所以极褒崇之心，而将使卿庶几获谦冲之福。勉从其意，嘉叹不忘。

赐皇叔改封徐王顥上表辞免册礼

允诏 元祐三年八月二十日。

敕顥。锡山土田，以昭令德。备物典册，盖有常仪。而卿深惧满盈，过形抑畏。一谦四益，当克永年。三命滋恭，固将有后。曲成美志，以劝事君。

赐知渭州刘昌祚进奉兴龙节银诏 元祐三年十一月六日。

敕昌祚。卿御侮边庭，驰神魏阙。会嘉辰之献寿，纳贡篚以效珍。载省忠勤，不忘褒叹。



赐皇伯祖宗晟辞免起复恩命不允诏 元祐三年十二月五日。

敕宗晟。夫要经服事，出于孔门；墨衰从政，见于鲁史。永惟徇国忘家之义，非有食稻衣锦之嫌。若非使卿居之而安，则吾岂敢强所不欲。勉从前诏，往服厥官。

赐皇伯祖宗晟辞免起复恩命
不允诏 元祐三年十二月〔五〕（二）日。

敕宗晟。卿德爵与齿，皆天下达尊。服属之隆，为宗室祭酒。任独高于三世，报宜异于常人。故夺情非以私卿，而服事所以徇国。义无所愧，何以辞为。

赐正议大夫知邓州蔡确乞量移弟
硕允诏 元祐三年十二月九日。

敕蔡确。以义责备，《春秋》有失教之讥；以情内恕，诗人有将母之念。硕之得罪，事在有司。难以贵近之亲，而废朝廷之典。及观来请，有概予心。重违兄弟急难之词，以伤人子奉养之意。



赐知渭州刘昌祚进奉谢恩并赐月俸公使及贺
端午节马诏

元祐三年十二月二十四日。

敕昌祚。卿执德宏毅，秉心恪恭。拜新渥于公朝，谨旧仪于令节。抗章来上，因物见诚。再省忠勤，良深嘉叹。

赐端明殿学士银青光禄大夫致仕范镇
奖谕诏

元祐三年闰十二月一日。

敕范镇。朕惟春秋之后，礼乐先亡。秦汉以来，《韶》《武》仅在。散乐工于河海之上，往而不还。聘先生于齐鲁之间，有莫能致。魏、晋以下，曹、郤无讥。岂徒郑、卫之音，已杂华、夏之器。间有作者，犹有典刑。然铢黍之一差，或宫商之易位。惟我四朝之老，独知五降之非。审声如音，以律生尺。览诗书之来上，阅□、虞之在廷。君臣同观，父老太息。方诏学士大夫论其法，工师有司考其声，上追先帝移风易俗之心，下慰老臣爱君忧国之志。究观所作，嘉叹不忘。

赐朝散大夫守尚书吏部侍郎充龙图阁待制傅尧俞
乞外郡不允诏

元祐三年闰十二月十四日。

敕尧俞。卿望重本朝，进由公议。方卿大夫有为之际，



亦士君子难得之时。而卿出领郡章，入佐治典。席未暖而辄去，政何时而报成。小疾行瘳，姑安厥位。

赐保宁军节度使知大名府冯京进奉贺兴龙书马
一十匹并冬节马二匹诏

元祐三年闰十二月十八日。

敕冯京。卿坐镇全魏，隐若长城。远驰颂祷之心，来效驂□贡。眷言忠荇，良极叹嘉。

赐泰宁军节度观察留后知相州李□进奉
贺冬马一匹诏

元祐三年闰十二月十八日。

敕李珣。卿宣化近邦，驰神北阙。属兹阳月之吉，远效王闲之良。言念忠勤，不忘嘉叹。

赐中大夫守尚书左丞王存生日诏

元祐四年正月四日。

敕王存。在《易》之《泰》，与物皆春。于时良臣，生我王国。宜膺宠赉，以介寿祺。

赐龙图阁直学士正议大夫权知开封府吕公著上表
陈乞致仕不允诏

元祐四年正月五日。

敕公著。朕鸡鸣而起，志于求助。鲐背之老，未敢即



安。矧卿体力不衰，发齿犹壮。遽有引年之请，殊乖图〔旧〕（笃）之心。宜安阙官，以称朕意。

赐吕公著上表陈致仕不允诏

敕吕公著。卿将相三世，凜乎正始之风；出入四朝，蔚然难老之状。浩穰之治，谈笑而成。方观报政之能，遽有归休之请。公议未可，卿其少安。

赐济阳郡王曹佺在朝假将百日特与宽假

将理诏 元祐四年正月十二日。

敕曹佺。卿贤戚莫二，德齿并隆。眷言朝请之勤，思见仪刑之老。谢病既久，軫念良深。推予赐告之恩，期于勿药之喜。

赐光禄大夫守吏部尚书兼侍读苏颂上表乞

致仕不允诏 元祐四年正月十三日。

敕苏颂。吾闻有志之士，以身殉道而遗名；有道之君，使人乐用而忘老。今卿不安其位，岂吾有愧于古哉。夫难进之士，年仅及而辄退；则已试之才，吾莫得而尽用矣。激扬多士，方资崔、毛之德；讲诵旧闻，未卒褚、马之业。事非小补，卿其少安。



赐苏颂上表陈乞致仕不允诏

敕苏颂。卿历事四朝，允有一德。徒论徐公之奢俭，莫见子文之愠喜。朕既寤寐哲士，体貌元臣。方贵德齿之达尊，岂求筋力之常礼。矧卿方膺难老之锡，宜励益壮之心。惜日有为，古人所重；引年求去，公议未安。勉为朕留，以慰人望。

赐光禄大夫守吏部尚书兼侍读苏颂上第二表陈乞致仕不允诏

元祐四年二月二日。

敕苏颂。夫天以多士宁王国，而祖宗以成德遗后人。方使寿考康强，以究其用。而朕乃以引年而听其去，可乎？矧卿铨综之精，谈笑而办。勉思职事，以称朕心。

赐苏颂上第二表请乞致仕不许诏

敕苏颂。天官之任，老成所宜。坐执铨衡，有山公晚年之故事；簿书烦杂，独萧俛一时之偏词。卿其总揽纲条，阔略苛细。委蛇退食，以慰士心。



新除权礼部尚书梁焘辞免恩命不允诏 元祐四年二月三日。

敕梁焘。卿出处以义，进退以礼。昔请补外，朕不得已而听其去；今兹选用，众以为宜而恨其晚。而卿又固辞，岂朕所望。成命不易，其速造期。

赐宣徽南院使充太一宫使冯京乞依职任官例祇
赴六参不允诏 元祐四年六月十四日。

敕冯京。朕以卿耆老厚德，重烦以庶事。而卿笃恭尽礼，自同于有司。既朝朔望，尚复勤请。虽抑抑自警，知卿有卫武之风；而仆仆亟拜，非朕待子思之意。宜遵前命，以副眷怀。

赐右正议大夫守尚书左仆射吕大防
生日诏 元祐四年六月十五日。

敕大防。股肱之良，与国为重；家庭之庆，亦朕所同。适《斯干》献梦之辰，均《既醉》太平之福。膺予宠锡，介尔寿祺。



赐翰林学士中大夫兼侍读赵彦若辞免国史
修撰不允诏

元祐四年六月二十三日下院。

敕彦若。卿学世其家，宜居载笔之地；官宿其业，已奏杀青之书。自托不能，殊非所望。祇膺成命，毋复固辞。

赐河东节度使太师开府仪同三司太原尹致仕
文彦博温溪心马诏

元祐四年七月二日。

敕彦博。惟我宗臣，名震夷落，狼心□舌，知献厥诚。朕以张奐拒羌之献，不如旅獒昭备之致。已敕边吏答赐所直，其马今以赐卿，至可领也。

赐夏国主进奉贺坤成节回诏

元祐四年七月二十二日下院。

敕。节纪诞弥，庆均临照。眷守邦之虽远，亦执贄以来同。嘉与朝臣，咸称寿肆。载惟忠恪，宜有宠颁。

赐皇伯祖宗晟辞免恩命起复允终丧制诏

敕宗晟。朕寤寐雋贤。燮和中外。眷言释位之久，实有乏才之忧。而三年未终，五诏不起。与其贪明哲之美，以緝



熙庶工；不若执孝弟之纯，以风励宗子。俯从诚守，良极叹咨。

赐皇伯祖宗晟辞免恩命起复允终丧制诏

敕宗晟。夫衰麻之哀，达于上下；损益之变，权以轻重。虽事君均于事亲，而夺志难于夺师。俛听终丧之守，以成致孝之全。言念笃诚，实增屡叹。

内制敕书三十三首

赐南平王李乾德历日敕书

元祐元年十月八日。

敕乾德。眷彼海隅，被予声教。宜有王正之赐，以为农事之祥。勤恤远民，以开嗣岁。

赐新除依前交趾郡王李乾德加恩制诰

敕书

元祐元年十月十五日。

敕乾德。朕躬执珪币，大飨帝亲。颁布湛恩，遍暨诸夏。卿世綏侯服，钦顺朝廷。宜锡徽章，以昭异数。



赐外任臣寮历日诏敕书

元祐元年二十八日。

敕韩绛。朕申命日官，逆推嗣岁。眷予共理，颁此成书。勉劬农功，毋违时令。

赐侍卫亲军马军都虞候刘昌祚进奉贺明堂
礼毕马敕书

元祐元年十一月二十日。

敕刘昌祚。大事告成，多方同庆。汝以分符之重，特修效马之仪。载念勤诚，不忘嘉叹。

赐外任臣寮进奉兴龙节马诏敕书

元祐二年四月十三日。

敕韩缜。诞弥之庆，远迩攸同。眷惟外服之良，来效右牵之礼。言念诚恪，不忘叹嘉。

赐溪洞蛮人彭允宗等进奉端午布敕书

元祐二年五月十日。

敕彭允宗等。汝族居裔壤，心慕华风。来修任土之仪，远效充庭之实。载惟勤悃，良用叹嘉。



赐权陕府西路转运判官孙路银绢奖谕

敕书 元祐二年六月二十八日，为筑兰州西荆堡，成，下同

敕孙路。宣力计台，悉心边政。相视衿要，缮完保鄣。讫用有成，不愆于素。使虏无可乘之便，民有足恃之安。乃眷忠勤，不忘嘉叹。

赐知兰州王文郁银绢奖谕敕书 元祐二年六月二十八日。

敕王文郁。汝以御侮之才，当专城之寄。百堵皆作，三月而成。非威服民夷，身先士卒，则安能以一时之役，成无穷之利。达于朕听，良用叹嘉。

赐新除依前静海军节度使进封南平王李乾德

制诰敕书 元祐二年七月八日。

敕。朕子养兆姓，囊括四荒，譬之于天，岂吝膏泽。卿守藩滋久，事上益虔，高爵隆名，极其荣显。庶缘〔天〕
(大) 宠，以服民心。其思尽忠，以称恩礼。



赐外任臣寮进奉坤成节银敕书

元祐二年七月二十八日。

敕刘昌祚。汝承流外服，雅意本朝。爰因载诞之辰，远致同寅之礼。眷惟忠荇，良极叹嘉。

赐西南罗藩进奉敕书

元祐二年九月三日。

敕。汝世为要服，时款塞垣。志慕华风，来修职贡。载惟忠恪，良用叹咨。

赐诸路知州职司等并总管钤辖
至使臣初冬衣袄敕书

敕冯洁己。王事靡盬，日月其除。属霜露之戒寒，待衣裘而卒岁。宜加宠锡，以示眷怀。

赐诸路蕃官并溪洞蛮人初冬衣袄敕书

敕瞎毡。职在捍边，志常面内。属此严凝之候，宜均轻暖之恩。服我宠颁，益思忠报。



赐诸路屯驻泊就粮本城诸员寮等初冬衣袄都敕

敕汝等。久勤外服，属戒祈寒。爰念捍城之劳，普均挟纊之惠。

赐外任臣寮等进奉坤成节功德疏

诏敕书 元祐二年九月二十四日。

敕冯京。职虽在外，忠不忘君。集胜妙之良因，致寿康之善祷。眷言诚尽，良极叹嘉。

赐朝奉郎通判梓州赵君奭进奉坤成节无量寿佛

敕书 元祐二年九月二十四日。

敕赵君奭。相好妙严，衷诚倾尽。汝期乃后，享无量之年；吾欲斯民，同极乐之世。永言忠爱，良用叹咨。

沿路赐奉安神宗御容押班冯宗道并内臣等银合

茶药敕书 元祐二年十月七日。

敕冯宗道。逮事有年，追远不懈。属祠〔宫〕（官）之告具，骖日驭以遄征。往复之间，忠劳亦至。特加存问，尚体



至怀。

赐五台山十寺僧正省奇等进奉兴龙节功德疏等
奖谕敕书

元祐二年十一月一日。

敕省奇等。清凉之域，仙圣所游。爰因弥月之辰，来献后天之祝。永言勤至，良极叹咨。

赐外任臣寮历日敕书

元祐二年十二月四日。

敕韩缜。朕肇修人纪，祇畏天明。钦若旧章，式颁新历。凡我承流之寄，共成平秩之功。

赐于阗国黑汗王进奉登位敕书

元祐二年十二月十一日。

敕。卿守藩西极，慕义中华。远闻践阼之新，来致梯山之贡。眷言忠恪，良用叹咨。

赐于阗国黑汗王进奉示谕敕书

元祐二年十二月十一日。

敕。卿远驰信使，来效贡琛。载详重译之言，深亮勤王之意。益隆褒赐，以答忠诚。



赐外任臣寮进奉兴龙节马敕书

元祐二年十二月二十四日。

敕刘永年。汝职在蕃宣，义均休戚。旅庭称庆，因物见诚。乃眷忠勤，不忘嘉叹。

赐溪洞彭儒武等进奉兴龙节溪布

敕书

元祐二年十二月二十八日。

敕彭儒武。汝世能保境，志在观光。远修任土之宜，来备充庭之实。载惟忠恪，良极叹嘉。

赐保州团练使潞州总管王宝进奉恋阙并到任

马敕书

元祐三年正月七日。

敕王宝。汝以选抡，出分忧寄。来郊充庭之骏，以将卫上之诚。再省忠勤，良深嘉叹。

赐知乾宁军内殿承制张赴奖谕敕书

元祐三年四月十八日。

敕张赴。横流之灾，所在蒙害。惟吏得其人，则公私赖之。使者列上，有司不以时间。岁月既远，予犹汝嘉。故兹奖谕，想宜知悉。



赐于阗国黑汗王进奉示谕敕书

元祐三年五月一日。

敕。卿恪居蕃守，申遣使车。来款塞垣，恭修壤贡。忠诚远达，褒叹良深。

赐于阗国黑汗王进奉示谕敕书

敕。卿守土西极，驰诚中华。璧马充庭，尚识汉仪之旧；织皮在筐，聊观禹贡之余。载省忠勤，不忘嘉叹。

赐于阗国黑汗王男被令帝英进奉敕书

敕。汝世敦忠厚，志慕声明。远附奏函，亦驰贡筐。载惟恭顺，良极叹咨。

赐五台山十寺僧正省奇已下奖谕

敕书

元祐三年六月十八日。

敕。清凉之峰，仙圣所宅。爰修净供，以庆诞辰。再省恭勤，不忘嘉叹。



示谕武泰军官吏军人僧道百姓等

敕书 元祐三年八月十八日。

敕。朕以苗授赋材勇严，驭众整暇。擢为宿卫之长，宠以节旄之荣。惟尔邦人，当谕朕意。

赐殿前都虞候宁州团练使知熙州刘舜卿进奉

贺冬马敕书 元祐三年闰十二月十八日。

敕刘舜卿。职在分忧，忠存卫上。属此秦正之旦，远输冀产之良。再省忠勤，不忘嘉叹。

赐外任臣寮进奉兴龙节马

诏敕书 元祐三年闰十二月十八日。

敕刘舜卿。汝忠于卫上，远不忘君。爰因弥月之晨，来效充庭之礼。眷言勤笃，良极叹嘉。

赐西南蕃莫世忍等进奉敕书 元祐四年正月二十一日。

敕莫世忍。汝守土遐陬，归诚北阙。梯山修贡，款塞观光。言念忠勤，至于嘉叹。



赐五台山十寺僧正省奇等奖谕敕书

六月二十五日下院

敕。异景灵光，久闻示化。宝祠净供，爰庆诞弥。念此恭勤，至于嘉叹。



卷一百十一

内制口宣一百四十一首

雄州抚问大辽国贺兴龙节使副口宣 元祐元年十月六日。

有敕。卿等远犯风埃，久勤轺传。入疆兹始，授馆少安。申命抚存，式昭眷奖。

赵州赐大辽贺兴龙节人使茶药口宣 元祐元年十月六日。

有敕。卿等远饬使轺，来陈庆币。川途甚阻，风雾可虞。特示至恩，往颁名剂。

赐正议大夫同知枢密院事安燾乞退不允

批答口宣 元祐元年十月十日。

有敕。卿被遇先帝，勤劳有年。逮于眇躬，倚注弥重。宜安厥位，毋〔庸〕（重）力词。



赐宰臣吕公著生日礼物口宣

元祐元年十月十六日。

有敕。朕之元年，生以兹辰。实为邦国之华，岂独闺门之庆。故命尔息，往宣余怀。仍分厩库之良，以助子孙之寿。

相州赐大辽国贺兴龙节使副御筵

口宣

元祐元年十月十八日。

有敕。卿等远驰信币，来庆诞辰。眷言四牡之劳，宜享加笾之礼。式颁宠数，以示至恩。

赵州赐大辽国贺太皇太后正旦使副茶药

口宣

元祐元年十月二十八日。

有敕。卿等奉将邦币，驰会岁元。眷言夙驾之勤，方次中途之馆。宜颁灵剂，以喻至怀。

赵州赐大辽国贺皇帝正旦使副茶药

口宣

元祐元年十月二十八日。

有敕。卿等逖修邻好，方次州封。言念沍寒，想勤跋



履。特颁名剂，以示眷怀。

雄州白沟驿赐大辽贺正旦人使御筵

口宣 元祐元年十一月二日。

有敕。卿等远驰使节，来庆春朝。属岁律之凝严，涉道途之修阻。宜颁宴衍，以劳勤劬。

赐镇江军节度使判大名府韩绛诏书汤药

口宣 元祐元年十一月九日。

有敕。卿德望之隆，中外所属。诚请虽极，舆论未安。毋复怀归，以勤北顾。特颁良剂，以辅至和。

赐镇江军节度使判大名府韩绛诏书汤药

口宣 元祐元年十一月十日。

有敕。方面重寄，无逾老成。丘园归林，难遂雅意。特颁珍剂，以示至怀。方此沍寒，益加调养。

赐新除依前中大夫守中书侍郎吕大防辞免恩命

不允断来章批答口宣 元祐元年十一月十一日。

有敕。大政所关，西台为重。朕难其选，无以易卿。宜



即钦承，毋烦退避。

赐新除中大夫守尚书右丞刘摯辞恩命不允断来章

批答口宣

元祐元年十一月十五日。

有敕。卿嘉猷屡告，清议所归。授受之间，臣主无愧。速起视事，副朕所期。

赐正议大夫同知枢密院事安燾乞外郡不允断来章

批答口宣

元祐元年十一月十六日。

有敕。卿职在枢要，表仪百官。进当以礼，退当以义。今兹求退，其义安在？亟还视事，毋复固辞。

班荆馆赐大辽国贺兴龙节人使赴阙

口宣

元祐元年十一月二十一日。

有敕。卿等抗旌远道，弭节近郊。乃眷勤劳，良深轸念。特颁燕衍，以示惠慈。

班荆馆赐大辽贺兴龙节人使到阙酒果

口宣

元祐元年十二月初一日。

有敕。卿等肃将信币，来庆诞辰。眷言行李之劳，宜有



燕休之赐，受兹芳酎，体我眷怀。

雄州赐大辽贺正旦人使回程御筵

口宣元祐元年十二月六日。

有敕。卿等出疆继好，已事言还。跋履冰霜，憩休馆舍。宜有燕私之宠，以旌来往之勤。

赐河东路诸军来年春季银錯兼传宣抚问

臣寮将校口宣元祐元年十二月七日。

有敕。汝卿等从事边陲，服勤师律。方践更于春令，谅率履于天和。特有匪颁，以昭眷遇。

送伴正旦使副沿路与贺北朝生日并正旦使副相见

传宣抚问口宣元祐元年十二月九日。

有敕。卿等方冬出使，涉春在途。远犯风埃，想勤跋履。勉加鞭策，即造会朝。

赐大辽贺正旦人使正月一日入贺毕就驿御筵

口宣元祐元年十二月十一日。

有敕。卿等远饬使轺，来修旧好。属此方春之旦，宜均



既醉之欢。爰命燕胥，以昭眷宠。

就驿赐大辽贺正旦人使银□镲唾盂孟子
锦被褥等□宣

元祐元年十二月十六日。

有敕。卿等远驰信币，来庆春朝。眷言行李之劳，方兹舍馆之定。宜加颁赉，用示宠嘉。

班荆馆赐大辽贺正旦人使却回御筵

□宣

元祐元年十二月十九日。

有敕。卿等远达使辞，载严归驷。方改轅于北道，暂弭节于都门。益重眷怀，往伸燕饯。

相州赐大辽贺正旦人使却回御筵

□宣

元祐元年十二月二十二日。

有敕，卿等岁首奉觞，礼成复命，改轅北道，弭节近藩。宜锡宴私，以彰眷宠。

就驿赐大辽贺兴龙节人使回程酒果

□宣

元祐元年十二月二十四日。

有敕。卿等抗旌旋复，弭节少留。风埃浩然，徒馭



〔勤〕(徒)止。宜有珍芳之赐，以昭眷宠之殊。

赐大辽贺正旦人使朝辞讫就驿御筵

口宣元祐元年十二月二十五日。

有敕。卿等来修旧好，克备多仪。既陞见以告辞，将驾言而反命。载嘉勤勤，宜锡燕私。

班荆馆赐大辽贺正旦人使回程酒果

口宣元祐元年十二月二十八日。

有敕。卿等远会春朝，恪修邻好。既卒聘事，岂无燕私。宜就锡于加笏，盖式昭于异数。

抚问熙河兰会路臣寮口宣元祐二年正月二十五日。

有敕。卿等服勤疆场，赋政兵民。言念劬劳，实分忧顾。特加存问，以示眷怀。

抚问资政殿学士知扬州王安礼

口宣元祐二年正月二十七日。

有敕。卿久去廊庙，出临江淮。绥怀流亡，肃遏寇盗。



远惟勤瘁，特示抚存。

赐皇叔祖保信军节度使安康郡王宗隐生日礼物

口宣 元祐二年正月四日。

有敕。卿属尊望重，德厚庆隆。方诞育之令辰，有匪颁之故事。克膺寿祉，永服宠光。

赐皇叔祖昭信军节度使汉东郡王宗瑗生日礼物

口宣 元祐二年二月二日。

有敕。卿爵齿既隆，德望斯称。载更诞日，胥庆家庭。式侑燕私，以资寿祉。

寒节就驿赐于阗国进奉人御筵口宣 元祐二年二月二日。

有敕。汝等观光上国，述职遐方。属兹改火之辰，想有怀归之念。宜颁燕衍，以示恩私。

赐皇叔祖宁国军节度使华原郡王宗愈生日礼物

口宣 元祐二年二月二十七日。

有敕。卿望重宗盟，德隆藩服，载协诞弥之旦，光膺积



庆之余。特示宠颁，永绥寿祉。

赐新除保宁军节度使冯京告敕诏书茶药

□宣元祐二年三月二十八日。

有敕。全魏之寄，旧德为宜。勉即征途，以答民望。往颁珍剂，昭示眷怀。

赐镇江军节度使充集禧观使韩绛诏书茶药

□宣元祐三年三月二十八日。

有敕。卿德齿俱高，诚请弥确。重以民事，久劳元臣。既饬还车，宜颁珍剂。尚加调养，以副眷怀。

赐太师文彦博乞致仕不允批答

□宣元祐二年三月二十九日。

有敕。卿德望冠于累世，风采闻于四夷。方兹仰成，倚以为重。退老之请，所未欲闻。

赐宰相吕公著乞退不允批答□宣元祐二年三月二十九日。

有敕。卿柱石本朝，著龟当代。方兹注意，实所仰成。



宜体朕心，姑安其位。

赐交州进奉人朝见讫就驿御筵口宣 元祐二年四月五日。

有敕。汝等恭持方物，来款塞垣。冒涉修途，观光上国。宜颁燕劳，以示恩私。

白沟驿赐大辽贺坤成节人使御筵兼传宣抚问

口宣 元祐二年四月十七日。

有敕。卿等肃将庆币，远涉修途。风埃浩然，徒驭勤止。宜颁燕衍，以示眷怀。

赐尚书左丞李清臣乞退不允批答

口宣 元祐二年四月二十七日。

有敕。卿综辖枢机，雍容廊庙。义当体国，谋岂先身。往喻至怀，少安旧服。

赐集禧观使镇江军节度使开府仪同三司韩绛到

阙生饩口宣 元祐二年五月十二日。

有敕。卿力辞繁剧，归即燕安。想见老成，渴闻嘉话。



特颁牢醴，以劳骖□。

班荆馆赐大辽国贺坤成节人使到阙御筵

□宣元祐二年六月二日。

有敕。卿等肃将庆币，垂及都门。远涉暑途，想勤行李。式颁燕衍，以示恩私。

赐护国军节度使检校太师济阳郡王曹佺生日礼物

□宣元祐二年六月九日。

有敕。卿世济勋劳，德隆藩戚。属此诞弥之日，岂无燕喜之私。膺我宠颁，永增寿祉。

赐皇弟山南东道节度使开府仪同三司穰

生日礼物□宣元祐二年六月十八日。

有敕。卿以棣华之亲，袭瓜瓞之庆。载临诞日，宜厚宠颁。服我异恩，永膺介福。

就驿赐大辽贺坤成节使副银□铤锦被褥等

□宣元祐二年六月二十八日。

有敕。卿等远持庆币，来讲邻欢。徒御少休，舍馆既



定。首膺宠锡，当体眷怀。

赐皇伯祖彰化军节度使高密郡王宗晟
生日礼物口宣

元祐二年七月一日。

有敕。卿德茂宗枝，望隆公衮。推本流长之庆，有嘉震肃之辰。宜示宠颁，以绥寿祉。

赐知枢密院事安燾已下罢散坤成节御筵口宣

有敕。卿等忠存体国，义切戴君。结妙果于三乘，祝慈闱之万寿。宜膺宠锡，以示眷存。

玉津园赐大辽贺坤成节人使射弓例物
口宣

元祐二年七月八日。

有敕。卿等致命宝邻，出游禁□。爰敦射事，以佐宾欢。宜旌审固之能，式厚珍良之赐。

赐大辽贺坤成节人使生饩口宣

元祐二年七月八日。

有敕。卿等远涉修途，来陈庆币。舍馆初定，徒驭实劳。宜锡饩牵，以昭宠数。



相州赐大辽贺坤成节人使却回御筵

口宣元祐二年七月八日。

有敕。卿等远涉归途，再离秋暑。驾言近郡，少憩旋车。宜示眷怀，往颁燕俎。

瀛州赐大辽贺坤成节人使回程御筵

口宣元祐二年七月十日。

有敕。卿等抗旌来聘，已事言还。方次边城，少休候馆。宜颁燕俎，以劳归骖。

赐大辽贺坤成节人使内中酒果口宣元祐二年七月十日。

有敕。卿等远驰使传，申讲邻欢。既执贄以造廷，亦展币而成礼。宜加宠锡，以示眷存。

赐太师文彦博已下罢散坤成节道场

香酒果口宣元祐二年七月十一日。

有敕。卿翊赞大猷，倡先多士。方慈闱之献寿，严法会以荐诚。宜有宠颁，以昭殊眷。



赐知枢密院事安燾已下罢散坤成节道场

香酒果口宣 元祐二年七月十一日。

有敕。卿等同竭忠嘉，助成孝治。方慈闱之献寿，严法会以荐诚。宜有宠颁，以昭殊眷。

坤成节就驿赐于闾国进奉人御筵

口宣 元祐二年七月十一日。

有敕。汝等款塞观光，趋庭效贡。属诞弥之称庆，均燕衍以示慈。祗服宠嘉，式旌忠恪。

赐殿前都指挥使燕达已下罢散坤成节道场

香酒果口宣 元祐二年七月十二日。

有敕。卿等同罄纯忠，力修胜果。用祈慈寿，既彻梵筵。宜有宠颁，以昭眷遇。

赐皇伯祖镇南军节度使开府仪同三司宗晖已下罢

散坤成节道场香酒果口宣 元祐二年七月十二日。

有敕。卿表率宗盟，助成孝治。祝延慈寿，仰扣佛乘。既毕梵筵，宜加宠贲。



赐平海军节度使驸马都尉李玮已下罢散坤成节
道场香酒果口宣

元祐二年七月十二日。

有敕。卿等乃心王室，同输欲报之诚；稽首佛乘，共祝无疆之寿。既成法会，宜示宠颁。

赐皇叔扬王荆王醴泉观罢散坤成节
道场香酒果口宣

元祐二年七月十二日。

有敕。卿等德冠邦家，义兼臣子。修胜缘于西竺，祈邦嘏于南山。宜有宠颁，以成法会。

雄州抚问大辽使副贺坤成节口宣

元祐二年七月十二日。

有敕。卿等抗旃修好，驰传及疆。远涉暑途，实劳参驭。特加存抚，式示眷怀。

班荆馆赐大辽贺坤成节人使回程
酒果口宣

元祐二年七月十六日。

有敕。卿等讲成聘礼，归次都门。复此少留，逝将言迈。宜颁饯斝，以宠行骖。



赐皇叔扬王顥生日礼物口宣

元祐二年七月十九日。

有敕。卿属尊鲁、卫，德重间、平。每临载育之辰，永锡无穷之庆。宜膺宠数，以介寿祺。

赐新除知枢密院安燾辞免恩命不允断

来章批答口宣

元祐二年八月五日。

有敕。卿以旧德，简在朕心。成命既孚，金言咸穆。宜即祇受，毋烦固辞。

赐熙河秦凤路帅臣并沿边知州军区寮茶银

合兼传宣抚问口宣

元祐二年八月十日。

有敕。卿等夙分边寄，深识虏情。属此盛秋，劳于警备。宜加宠赉，以示眷怀。

赐熙河秦凤路提刑转运茶银合兼传宣

抚问口宣

元祐二年八月十日。

有敕。卿持节宣风，久分忧寄。调兵足食，想极贤劳。宜有宠颁，以彰眷遇。



赐观文殿大学士光禄大夫知永兴军韩缜茶银
合兼传宣抚问口宣

元祐二年八月十日。

有敕。卿释政庙堂，均劳方面。兵民之重，绥御实劳。
往谕至怀，仍加宠赉。

赐皇弟武成军节度使祁国公僖生日
礼物口宣

元祐二年八月十六日。

有敕。卿棣华袭庆，桐叶分封。载临震肃之辰，特致寿
康之祝。其膺宠锡，以介神休。

赐皇叔成德荆南等军节度使守太尉开府仪同
三司荆王□生日礼物口宣

元祐二年八月二十日。

有敕。卿以名世之杰，居叔父之亲。乃眷良辰，实鍾余
庆。宜膺异数之礼，永锡无疆之休。

赐宰相吕公著乞罢相位不允
批答口宣

元祐二年八月二十三日。

有敕。全德之老，朕所仰成。大义未安，卿当畏去。纯
忠所激，微疾自除。



赐宰相吕公著乞罢相位不允断来章批

答口宣元祐二年八月二十八日。

有敕。卿之在位，为德与民。朕意不移，徒烦屡请。速起视事，毋复固辞。

赐皇弟定武军节度使开府仪同三司咸宁郡王

佖生日礼物口宣元祐二年八月二十八日。

有敕。眷予母弟。诞庆兹辰。载咏《斯干》之详，宜均《既醉》之福。祇膺宠数，永锡寿祺。

赐太师平章军国重事文彦博辞免入朝拜礼

允批答口宣元祐二年八月二十八日。

有敕。卿勋德愈高，谦恭不伐。尽事君之礼，忘屈身之劳。重违嘉言，特寝前命。

熙河兰会路赐种谊已下银合茶药及抚问稿设汉

蕃将校以下口宣元祐二年九月二日。

有敕。汝等受成元帅，问罪种羌。即俘凶渠，备见忠力。各加犒赐，用示眷怀。



赐保静军节度使检校司空开府仪同三司建安
郡王宗綽生日礼物口宣

元祐二年九月二日。

有敕。位隆将相，德重宗藩，方秋律之既深，纪门弧之多庆。宜膺宠锡，以介寿祺。

抚问刘舜卿兼赐银合茶药口宣

元祐二年九月二日。

有敕。卿翰屏西服，威怀种羌。严兵盛秋，得隳戎落。往遗劳问，仍示宠颁。

赐陕西路转运判官孙路银合茶药

口宣

元祐二年九月五日。

有敕。汝以职事，出按边防。属此军兴，想劳心计。宜加宠锡，以示眷怀。

赐陕府西路转运司勾当公事游师雄银合

茶药口宣

元祐二年九月五日。

有敕。汝以儒臣，习知疆政。王事靡盬，周爰咨谋。宜有宠颁，以旌勤瘁。



赐泾原路经略使并应守城御贼汉蕃使臣已下银

合茶药兼传宣抚问口宣 元祐二年九月五日。

有敕。戎虏逆天，无故犯顺。汝等忠义所激，战守有方。犄角相望，示以形势。犬羊自遁，亭候无虞。爰念勤劳，不忘嘉叹。

赐大辽贺正旦人使白沟驿御筵并抚

问口宣 元祐二年九月七日。

有敕。卿等远驰华节，冒履薄寒。眷言邮传之勤，少乐燕嘉之赐。往申宠问，式示眷存。

赐太师文彦博乞致仕第一表不允批

答口宣 元祐二年九月九日。

有敕。朕上承慈训，下酌民言。秉国之成，非卿莫可。来请虽切，朕意不移。

赐太师文彦博乞致仕不允断来章批

答口宣 元祐二年九月十一日。

有敕。卿望重百辟，威闻四夷。进退之间，轻重所寄。



毋烦屡请，朕命不移。

白沟驿传宣抚问大辽贺兴龙节人使及赐
御筵口宣

元祐二年九月十二日。

有敕。卿等远驰信币，来庆诞辰。念此修途，喜于入境。宜加燕劳，以示眷存。

沿路抚问奉安神宗御容礼仪使吕大防
已下口宣

元祐二年九月十二日。

郑 州

有敕。卿等恭持使节，祇事祠宫。远涉邮途，实劳启处。特加存问，以示眷怀。

巩 县

有敕。卿等出使别都，展仪原庙。冲涉微凜，勤劳远途。体此眷怀，宜加调卫。

西 京

有敕。卿等暂去阙庭，服勤邮传。奉祠之重，率礼为劳。已事遄归，式符眷遇。



赐熙河路副总管姚兕等银合茶药

口宣元祐二年九月十四日。

有敕。卿以武略过人，忠义思报。焚荡虏境，宣明国威。特示宠颁，以观来效。

抚问秦凤等路臣寮口宣元祐二年九月十八日。

有敕。卿等绥馭兵戎，布宣条教。眷惟忠荅，想极劬劳。属此早寒，各宜厚爱。

西京会圣宫应天禅院奉安神宗御容礼毕押赐礼仪

使已下御筵口宣元祐二年九月二十一日。

有敕。卿等既成原庙，复奠神游，乃眷元臣，往严盛礼。宜均燕衍，以示眷存。

赐嗣濮王宗晖生日礼物口宣元祐二年九月二十二日。

有敕。流泽之深，积庆之厚，嘉此良日，笃生贤王。受兹多仪，永锡难老。



赐皇弟镇宁军节度使开府仪同三司遂宁郡王佖
生日礼物口宣

元祐二年十月一日。

有敕。乃眷贤王，惟予介弟。笃生兹日，流庆方来。往致予言，以为尔寿。

赵州赐大辽贺兴龙节使副茶药口宣

元祐二年十月一日。

有敕。卿等久勤鞞传，远涉风埃。既渐迓于中邦，方少安于候馆。往颁珍剂，以示眷怀。

赐太师文彦博生日礼物口宣

元祐二年十月五日。

有敕。卿勋在庙社，名闻华夷。允储河岳之灵，宜享乔松之寿。往颂宠数，以庆佳辰。

沿路赐奉安神宗御容礼仪使吕大防押班冯宗道并
使臣已下银合茶药兼传宣抚问口宣

元祐二年十月七日。

有敕。卿等祇率官常，往严像设。属此寒凝之候，眷言往返之劳。式示宠绥，特加优锡。



接伴大辽贺兴龙节人使送伴回程与大辽贺正
旦人使相逢抚问口宣

元祐二年十月十七日。

有敕。卿等并驾使轺，远敦邻好。属风霜之凝冽，历川陆之阻修。宜示眷怀，特申问劳。

赵州赐大辽贺太皇太后正旦使副茶药

口宣

元祐二年十月十七日。

有敕。卿等远驰使传，方次州封。念此寒凝，艰于涉履。特申宠锡，以示眷存。

赵州赐大辽贺皇帝正旦使副茶药

口宣

元祐二年十月十七日。

有敕。卿等远修聘事，来会岁元。眷言夙驾之勤，宜有中途之赐。受兹珍品，喻我至怀。

雄州抚问大辽贺兴龙节使副口宣

元祐二年十月十七日。

有敕。卿等恭修邻好，远庆诞辰。眷惟授馆之初，益喜造朝之近。往申问劳，式示眷存。



雄州抚问大辽贺正旦使副口宣

元祐二年十月十八日。

有敕。卿等远会春朝，笃修邻好。言念乘轺之久，欣闻入境之初。式示眷存，往申问劳。

赐诸路臣寮中冬衣袄口宣

元祐二年十月十八日。

有敕。霜露荐至，衣褐未周。念我远臣，何以卒岁。往均安燠之赐，尚体眷怀之深。

赐宰相吕公著生日礼物口宣

元祐二年十月十八日。

有敕。卿仁以庇民，忠以卫上。诞弥之日，庆慰良深。往锡宠章，以介眉寿。

冬季传宣抚问诸路沿边臣寮口宣

元祐二年十月十八日。

有敕。卿等守御边疆，忧劳夙夜。属兹寒沍，想各康强。特示眷存，往申劳问。



抚问知河南府张餗知永兴军韩缜

口宣元祐二年十月十八日。

有敕。卿辍自庙堂，出为师帅。劳于绥御，宽我顾忧。属此寒凝，勉加颐养。

冬季抚问陕西转运使副口宣元祐二年十月十八日。

有敕。卿等岁事将毕，农工既休。永言乘传之劳，未遑退食之佚。勉加辅养，尚副眷怀。

冬季抚问诸路沿边臣寮口宣元祐二年十月十八日。

有敕。卿等分忧久外，并塞早寒。眷此勤劳，形于轸念。往加劳问，式示眷存。

赐资政殿学士新差知成都府王安礼诏书银合茶药

传宣抚问口宣元祐二年十月二十七日。

有敕。卿西南之寄，古今所难。盖自祖宗以来，式辍钧衡之旧。与众同乐，非卿孰宜。



赐于闐国进奉人进发前一日御筵

□宣 元祐二年十月二十九日。

有敕。汝等奉琛来观，已事言归。式嘉慕义之诚，宜有劳还之泽。往颁燕衍，祇服恩私。

班荆馆赐大辽贺正旦人使到阙御筵

□宣 元祐二年十一月四日。

有敕。卿等夙抗使旌，少休郊馆。乃眷川途之邈，载惟骖馭之劳。特赐燕私，以旌勤瘁。

班荆馆赐大辽贺兴龙节人使酒果

□宣 元祐二年十一月九日。

有敕，卿等运乘使传，方造都门。属此寒凝，久于冲涉。宜膺就赐之礼，以示劳来之恩。

班荆馆赐大辽贺兴龙节人使御筵

□宣 元祐二年十一月十一日。

有敕。卿等远犯苦寒，来修旧好。载喜使华之近，特申郊劳之仪。服我恩私，少留燕衍。



相州赐大辽贺正旦人使御筵口宣 元祐二年十一月十六日。

有敕。卿等笃修旧好，少憩近邦。属冰雪之严凝，念车徒之勤勤。往加燕劳，式示眷怀。

赐皇伯祖高密郡王宗晟已下罢散兴龙节道场
香酒果口宣 元祐二年十二月一日

有敕。卿等以义重宗藩〔驸马改为戚藩〕，志存忠爱。先期诞月，归命佛乘。逮兹法会之成，宜有匪颁之宠。宗晖以下同。

赐知枢密院事安燾已下罢散兴龙节道场
酒果口宣 元祐二年十二月一日。

有敕。诞弥之庆，绵宇所同。矧我臣工，方兹燕喜。宜有柔嘉之赐，以成岂弟之欢。

赐济阳郡王曹佺罢散兴龙节道场酒果
口宣 元祐二年十二月一日。

有敕。卿位重戚藩，望隆耆德。归诚觉苑，增祝寿山。宜有宠颁，以昭厚眷。



赐殿前都指挥使燕达已下罢散兴龙节道场

香酒果口宣元祐二年十二月一日。

有敕。卿等志在爱君，忠于卫上。属诞弥之纪庆，修净供以祈年。宜有颁宠，以旌勤意。步军副都指挥使苗授以下同。

赐知枢密院事安燾已下罢散兴龙节道场

香酒果口宣元祐二年十二月一日。

有敕。弥月之祥，敷于同庆。协股肱之毕力，延释梵以祈年。申以宠颁，助其恺乐。

赐太师文彦博已下罢散兴龙节酒果

口宣元祐二年十二月二日。

有敕。卿等以弼亮之重，勤劳王家。因诞庆之辰，修崇法会。宜颁芳旨，以示眷存。

赐大辽贺兴龙节前一日内中酒果

口宣元祐二年十二月二日。

有敕。卿等抗旌就馆，已观车骑之华；奉币造朝，复叹威仪之美。就加宠锡，以示眷勤。



赐大辽贺兴龙节十日内中酒果口宣 元祐二年十二月二日。

有敕。卿等奉币讲欢，造廷称寿。嘉礼仪之闲习，宜宠锡之便蕃。受此珍甘，以旌眷遇。

赐大辽贺兴龙节朝辞讫归驿御筵

口宣 元祐二年十二月二日。

有敕。卿等使事既终，陛辞而复。少林宾馆，将整归骖。特示至怀，更颁嘉燕。

赐大辽贺兴龙节人使瀛洲回程御筵

口宣 元祐二年十二月二日。

有敕。卿等已修旧好，复改北辕。虽候馆之少林，眷归途之尚邈。往颁燕俎，以示至怀。

相州赐大辽贺兴龙节使副御筵口宣 元祐二年十二月四日。

有敕。卿等犯寒远道，弭节近邦。少休夙驾之劳，式示加笾之惠。服我宠数，以增使华。



相州赐大辽贺兴龙节使副却回御筵

口宣 元祐二年十二月四日。

有敕。卿等聘事告成，还车言迈。改辕北道，弭节近邦。眷言行役之劳，宜有燕私之宠。

赐大辽贺兴龙节人使射弓例物口宣 元祐二年十二月六日。

有敕。卿等怀四方之志，挟五善之能。终日射侯，于是观礼。宜申宠锡，以佐宾欢。

班荆馆赐大辽贺兴龙节人使回程御筵

口宣 元祐二年十二月六日。

有敕，卿等已事言旋，改辕兹始。冒寒远涉，轸念良深。少憩近郊，复陈燕豆。

赐诸路臣寮春季银錯兼抚问

口宣 元祐二年十二月八日。

有敕。卿等各竭乃心，久劳于外。属此寒凝之候，永惟绥驭之勤。式示眷存，往加劳问。



抚问知大名府冯京口宣

有敕。卿以元老，卧护北门。宽我顾忧，想劳绥御。属兹寒沍，益务保颐。

赐大辽贺兴龙节人使朝辞归驿酒果

口宣元祐二年十二月八日。

有敕。卿等已事言旋，指期夙驾。岁寒远道，良用轸怀。宜有宠颁，以旌勤瘁。

赐大辽贺兴龙节人使班荆馆却回酒果

口宣元祐二年十二月十日。

有敕。卿等聘事已成，征骖言迈。往饯于馆，以华其归。仍有宠颁，式昭厚眷。

班荆馆赐大辽贺正旦人使到阙酒果

口宣元祐二年十二月十日。

有敕。卿等远修邻好，来会岁元。久涉冰途，少休郊馆。宜颁芳旨，以劳骖口。



就驿赐大辽贺兴龙节人使宴口宣元祐二年十二月十一日。

有敕。佳辰纪庆，聘事告成。申敕臣邻，往就舍馆。同兹衍乐，服我惠慈。

就驿赐大辽贺兴龙节人使宴花酒果

口宣元祐二年十二月十一日。

有敕。卿等远勤使传，来庆诞辰。临遣重臣，往颁燕俎。仍加宠锡，以示至怀。

赐大辽贺正旦使副银口铤等

口宣元祐二年十二月十一日。

有敕。卿等通两国之欢，不远千里。驱一乘之传，来庆三朝。宜有宠颁，以昭异眷。

相州赐大辽贺正旦人使却回御筵

口宣元祐二年十二月十四日。

有敕。卿等复理归鞍，少休辅郡。念北轅之首路，犯西陆之余寒。往致恩勤，宜留燕衍。



赐大辽贺正旦人使却回雄州御筵

口宣元祐二年十二月十四日。

有敕。卿等远勤邮传，冒涉冰霜。眷言往复之劳，已次封圻之上。宜颁嘉燕，以示至怀。

赐大辽贺兴龙节使副口铎等

口宣元祐二年十二月十八日。

有敕。卿等解骖授馆，方讲于邻欢。遣使劳来，宜敦于主礼。往加优锡，以示眷怀。

赐大辽贺正旦人使生饩口宣元祐二年十二月二十四日。

有敕。卿等邮传远勤，舍馆既定。宜敦主礼，以犒馭徒。往锡饩牵，少纾劳瘁。

送伴正旦使副沿路与贺北朝生辰并正旦使副相逢

传宣抚问口宣元祐二年十二月二十五日。

有敕。卿等衔命出使，徂冬涉春。适寒苦之倍常，知勤劳之加旧。勉驱邮传，来造会朝。



赐大辽贺正旦入贺毕使副就驿酒果

□宣元祐二年十二月二十六日。

有敕。卿等既覲阙庭，少安馆舍。宜行庆赐，以乐春朝。往致甘芳，式华觴豆。

赐大辽贺正旦入贺毕使副就驿御筵

□宣元祐二年十二月二十六日。

有敕。卿等远抗使旃，来陈庆币。眷东风之协应，喜上日之同欢。宜就驿亭，往颁燕豆。

赐大辽贺正旦使副前一日内中酒果

□宣元祐二年十二月二十七日。

有敕。方兴嗣岁，既饯余寒。喜邻好之笃修，念使华之少驻。式颁珍异，以示眷怀。

赐大辽贺正旦却回班荆馆御筵

□宣元祐二年十二月二十七日。

有敕。卿等聘事既成，归途方启。言念改轍之始，少留帐饮之欢。往推恩勤，下及徒驭。



赐大辽贺正旦朝辞讫归驿御筵

口宣元祐二年十二月二十七日。

有敕。卿等寓馆久勤，趋庭告去。不假壶觞之乐，曷为徒驭之华。服我恩私，少留宴衍。

赐大辽贺正旦朝辞讫归驿御筵酒果

口宣元祐二年十二月二十八日。

有敕。卿等聘事告成，归车夙驾。属此寒凝之末，眷言往返之勤。锡此珍芳，以将宠遇。



- 除吕大防特授太中大夫守尚书左仆射兼门下侍郎加上柱国食邑实封余如故制 (2139)
- 除范纯仁特授太中大夫守尚书右仆射兼中书侍郎进封高平郡开国侯加食邑实封余如故制 ... (2139)
- 除苗授特授武泰军节度使殿前副都指挥使勋封食实封如故制 (2140)
- 除皇伯祖宗晟特起复制 (2141)
- 给事中兼侍讲傅尧俞可吏部侍郎 (2141)
- 太常少卿赵瞻可户部侍郎 (2142)
- 王克臣可工部侍郎依前龙图阁直学士 (2142)
- 祥符知县李之纪可广西提刑 (2142)
- 知楚州田待问可淮南转运判官 (2143)
- 两浙转运副使孙昌龄可秘阁校理知福州 (2143)
- 知徐州马默可司农少卿 (2143)
- 两浙转运副使许懋可令再任 (2144)
- 新淮南转运判官蔡曩可两浙运判 (2144)
- 司农少卿范子渊可知兖州 (2144)
- 故枢密副使包拯男太常寺太祝□之妻寿安县君崔氏可特封永嘉郡君仍封表门閭 (2145)
- 皇叔某赠婺州观察使追封东阳侯皇兄某赠蔡州观察使追封汝南侯 (2145)
- 士籀可西头供奉官 (2145)
- 童湜可特叙内殿崇班 (2146)
- 谢卿材可直秘阁福建转运使 (2146)
- 赵偁可淮南转运副使 (2146)
- 吕温卿知饶州李元辅知降州 (2147)
- 王诲知河中府 (2147)
- 邵刚通判泗州 (2147)



- 荆王扬王所乞推恩八人 (2147)
- 西头供奉官张禧得三级转三官 (2148)
- 鲜于侁可太常少卿 (2148)
- 范祖禹可著作郎 (2148)
- 孙觉可给事中 (2149)
- 皇伯祖克愉可赠忠正军节度使开府仪同三司 ... (2149)
- 蕃官兀□常等十二人覃恩转官 (2150)
- 高密郡王宗晟建安郡王宗綽所生母孙氏封康国太夫人
..... (2150)
- 客省副使刘瑄知恩州 (2150)
- 皇叔叔曹赠洺州防御使封广平侯 (2151)
- 左侍禁李司可供奉官 (2151)
- 张汝贤可直龙图阁发运副使 (2151)
- 狄谿刘定各降一官 (2151)
- 范子渊知峡州 (2152)
- 宣德郎刘锡永父元年一百四岁可承事郎 (2152)
- 叔颇男旼之可三班借职 (2152)
- 鲍耆年京东运判张岫京西运判 (2153)
- 李周可太仆少卿 (2153)
- 范纯礼可吏部郎中 (2153)
- 余希旦可知潍州 (2154)
- 王皙可知卫州 (2154)
- 郭祥正覃恩转承议郎 (2154)
- 王崇拯可遥郡刺史 (2154)
- 潮州澄海第六指挥使谢皋可三班借职 (2155)
- 皇伯仲郤赠使相 (2155)
- 士暇右班殿直 (2155)
- 克巩遥郡防御使 (2155)



刘奭衽门祗候	(2156)
王安石赠太傅	(2156)
杨绘知徐州	(2157)
陈荐赠光禄大夫	(2157)
吕穆仲京东提刑唐义问河北西路提刑	(2157)
沈叔通知海州	(2158)
孙向保州通判	(2158)
邓辟朝散郎	(2158)
荆王新妇王氏潭国夫人	(2158)
刘庠赠大中大夫	(2159)
李琮知吉州	(2159)
高士良可文思副使	(2160)
皇叔叔遂可赠怀州防御使追封河内侯	(2160)
扬王子孝騫等二人荆王子孝治等七人并远州团练使 ...	(2160)
吕公著妻鲁氏赠国夫人	(2161)
仲暹可遥郡防御使	(2161)

卷一百七

外制制敕七十三首

司马光三代	(2162)
张恕将作监丞	(2164)
赵济知解州	(2165)
李承之知青州	(2165)
门下侍郎韩维三代	(2165)
赵济落直龙图阁管勾中岳庙	(2168)
王彭知婺州孙昌龄知苏州岑象求知果州	(2168)
王子韶主客郎中周尹考功郎中	(2169)
蒋之奇天章阁待制知潭州	(2169)



- 皇伯祖宗胜赠太尉北海郡王 (2169)
- 刘有方可昭宣使依旧嘉州刺史内侍省内侍押班 ... (2170)
- 宋滋可右侍禁 (2170)
- 鞠承之可秦州通判 (2170)
- 文及可卫尉少卿 (2171)
- 李杲卿可京西转运副使张公庠可广东转运副使楚潜可广
西转运副使吴革可广东转运判官 (2171)
- 童珪父参年一百二岁可承务郎致仕 (2171)
- 单可度可三班借职出职 (2172)
- 智诚知宜州 (2172)
- 张仲可左班殿直 (2172)
- 张诚一责受左武卫将军分司南京 (2172)
- 陈侗知陕州 (2173)
- 傅燮知郑州 (2173)
- 姚居简押木繡上京酬奖转三班借职 (2173)
- 贾种民吕升卿知军 (2174)
- 张世矩再任镇戎军 (2174)
- 刘谊知韶州 (2174)
- 吕惠卿责授建宁军节度副使本州安置不得签书公事 ...
..... (2175)
- 许懋秘阁校理知福州 (2175)
- 乔执中两浙运副张安上提刑 (2176)
- 宇文昌龄吏部郎祝庶刑部郎 (2176)
- 江东提刑侯利建可江东转运副使福建运判孙弈
可福建路转运副使新差权发遣郑州傅燮可江
东提刑知常州张安上可两浙提刑朝请郎刘士
彦可福建转运判官 (2176)
- 王续知太康县 (2177)



新差通判齐州张琬可卫尉寺丞卫尉丞韩敦立可通判齐州	(2177)
乔执中可吏部郎	(2177)
苏子元可权知新州	(2178)
杨伋落待制知黄州崔台符王孝先各降一官台符知相州孝	
先知濮州	(2178)
赵□摩勘转朝议大夫	(2178)
赵思明知永静军	(2179)
鲜于侁大理卿	(2179)
吴处厚知汉阳军贾种民知通利军	(2179)
顾临直龙图阁河东转运使唐义问河北转运副使	(2180)
张问秘书监	(2180)
范子奇将作监	(2180)
钱长卿比部郎邓义叔水部郎	(2181)
林邵太仆丞何琬鸿胪丞	(2181)
文保雍将作监丞	(2181)
李南公知沧州穆珣知庐州王子韵知寿州赵扬知润州	(2182)
高公绘公纪并防御使	(2182)
李之纯户部侍郎	(2182)
穆衍金部员外郎	(2183)
孙路陕西运判	(2183)
苏颂刑部尚书	(2183)
王公仪夔州路转运使程高夔州路转运判官	(2184)
吕由庚太常寺太祝	(2184)
杜黻卫尉少卿钟离景伯少府少监	(2184)
辛押陀罗归德将军	(2185)
高子寿三班借职	(2185)



李肩可殿中省尚药奉御直翰林医官 (2185)

耿政可东头供奉官致仕 (2185)

乔执中可朝请郎尚书吏部郎中 (2186)

卷一百八

外制制敕七十四首

李之纯可集贤殿修撰河北都转运使 (2187)

吕大临太学博士 (2187)

罗适知开封县程之邵知祥符县 (2188)

杜纯可刑部员外郎 (2188)

刘霆知陈留县 (2188)

皇伯仲晔可赠保宁军节度使东阳郡王 (2189)

杜乂可右司郎中 (2189)

皇城使裴景知慈州庄宅副使郭逢知阶州西京左藏库副使

王克询知顺安军 (2189)

借职杨晟该差使吴奉云等各转一官 (2190)

吕大忠可发运副使 (2190)

蒋之奇可集贤殿修撰知广州 (2190)

吴安持知苏州刘琨知滑州 (2190)

谢卿材可陕西转运使 (2191)

李曼知果州 (2191)

黎珣知南雄州 (2191)

张赴再任乾宁军 (2192)

皇伯仲婴可赠奉国军节度使追封申国公 (2192)

林邵开封推官 (2192)

邓羲叔可主客郎中王谔可水部郎中 (2193)

王荀龙知棣州 (2193)

黄宪章获贼可承事郎 (2193)

御史中丞刘摯可兼侍读 (2193)



- 处士王临可试太学录 (2194)
- 皇叔克眷可赠曹州观察使追封济阴侯 (2194)
- 寇彦卿彦明左班殿直 (2194)
- 附马都尉张敦礼可节度观察留后 (2195)
- 内人张氏可特封典赞 (2195)
- 故尚宫赵氏可特赠郡君 (2195)
- 冯宗道可右骐驎使内侍省内侍押班梁惟简可文思副使内
侍省内侍押班 (2196)
- 梁从吉可遥郡团练使入内内侍省副都知 (2196)
- 刘有方可内侍省右班副都知 (2196)
- 翟思知泉州周之纯知秀州沈季长知南康军 (2197)
- 马传正大理寺主簿 (2197)
- 张之谏权知泾州康识权发遣鄜州 (2197)
- 梁谓可供备库副使转出 (2197)
- 燕若古知渝州 (2198)
- 删定官孙谔鲍朝宾并宣议郎 (2198)
- 王振可大理少卿 (2198)
- 李吁可宣德郎 (2199)
- 赵思明可西上枕门副使 (2199)
- 李承祐可内殿崇班 (2199)
- 萧士元知隰州赵永宁知永静军 (2199)
- 黄光瑞可内殿崇班 (2200)
- 文贻庆可都官员外郎居中可宗正寺主簿 (2200)
- 皇兄令夬可赠博州防御使博平侯 (2200)
- 高士永知文州 (2201)
- 太皇太后再从弟高士纘高士湑可并左班殿直文思副使梁
惟简可皇城副使 (2201)
- 范百禄刑部侍郎 (2201)



朱光庭可左司谏王觐右司谏	(2202)
鲜于侁可左谏议大夫梁燾可右谏议大夫	(2202)
王岩叟可侍御史	(2202)
钱勰可给事中	(2203)
明堂执政加恩	(2203)
韩忠彦黄履并特转朝请郎	(2205)
皇叔祖克爱皇叔仲虢并遥郡团练使	(2205)
王献可洛范使	(2206)
陈次升可淮南提刑	(2206)
杜纯可大理少卿	(2206)
郭峻可开封府司录参军	(2207)
林希可中书舍人	(2207)
司马光左仆射追封温国公制	(2207)
张绩除宣德郎制	(2208)
孙觉除吏部侍郎制	(2208)
曹旦知南平军制	(2209)
吕和卿知台州制	(2209)
陆佃礼部侍郎制	(2209)
龙图阁直学士朝请大夫知定州蔡延庆朝请大夫试户部尚书李常并磨勘转朝议大夫制	(2210)
朝奉郎孙览除右司员外郎制	(2210)
朝奉大夫田待问淮南提刑制	(2210)
朝散郎殿中侍御史林旦淮南运副使制	(2211)

卷一百九

内制赦文三首

明堂赦文	(2212)
西京奉安神宗皇帝御容礼毕西京德音赦文	(2213)
德音赦文	(2213)



内制诏敕九十七首

- 集官详议亲祠北郊诏 (2214)
- 太皇太后赐门下诏二首 (2214)
- 赵州赐大辽贺兴龙节大使茶药诏 (2215)
- 赵州赐大辽贺兴龙节副使茶药诏 (2215)
- 赐皇叔建雄军节度观察留后同知太宗正事宗景上表辞恩
命不允诏 (2216)
- 赐皇叔祖宗景上表辞恩命不许诏 (2216)
- 赐新除检校太保依前河西军节度使阿里骨加恩制告诏
..... (2216)
- 太皇太后赐故夏国主嗣子乾顺诏 (2217)
- 赵州赐大辽贺正旦副使茶药诏 (2217)
- 赵州赐大使茶药诏 (2217)
- 赵州赐大辽国贺太皇太后正旦大使茶药诏 (2217)
- 赵州赐副使茶药诏 (2218)
- 赐镇江军节度使检校太傅开府仪同三司上柱国康国公判
大名府韩绛上表乞致仕不允诏 (2218)
- 赐韩绛上表乞致仕不允诏 (2218)
- 赐金紫光禄大夫守尚书右仆射兼中书侍郎吕公著生日诏
..... (2219)
- 赐新除依前中大夫守中书侍郎吕大防辞恩命不允诏 ...
..... (2219)
- 赐新除御史中丞傅尧俞辞免恩命不允诏 (2219)
- 赐正议大夫同知枢密院事安燾乞退不允诏 (2220)
- 赐韩绛上第二表乞致仕不允诏 (2220)
- 赐韩绛上第三表乞致仕不许断来章诏二首 (2220)
- 赐新除依前光禄大夫刑部尚书苏颂辞恩命不允诏 ... (2221)
- 赐新除落致仕依前光禄大夫范镇赴阙诏 (2221)



- 皇帝赐故夏国主嗣子乾顺进奉贺正马驼回诏 ... (2222)
- 太皇太后赐故夏国主嗣子乾顺进奉贺正马驼回诏 (2222)
- 赐观文殿大学士知颖昌府韩缜上表辞恩命不允诏 (2222)
- 赐镇江军节度使判大名府韩绛上第二表乞致仕不许诏 (2223)
- 赐观文殿学士正议大夫知河南府孙固乞致仕不许诏四首 (2223)
- 赐新除枢密直学士知定州韩忠彦乞改一偏州不允诏 ... (2224)
- 赐枢密直学士守兵部尚书王存乞知陈州不允诏 ... (2225)
- 赐尚书左丞李清臣生日诏 (2225)
- 赐朝散大夫试御史中丞傅尧俞乞外郡不允诏 ... (2225)
- 赐镇江军节度使充集禧观使韩绛茶药诏 (2226)
- 赐保宁军节度使冯京告敕茶药诏 (2226)
- 赐镇江军节度使充集禧观使韩绛赴阙诏二首 ... (2226)
- 赐尚书刑部侍郎范百禄乞外任不允诏 (2227)
- 赐龙图阁直学士新差知秦州吕公孺乞改授宫观小郡差遣不允诏 (2227)
- 赐彰化军节度使开府仪同三司判大宗正事宗晟上表乞还职事不允诏二首 (2228)
- 赐故夏国主嗣子乾顺进奉谢恩马驼回诏二首 ... (2228)
- 赐新除尚书左丞刘摯辞免恩命不允诏 (2229)
- 赐新除中大夫守尚书右丞王存辞免恩命不允诏 ... (2229)
- 赐集禧观使镇江军节度使开府仪同三司韩绛乞致仕不允诏 (2230)
- 赐韩绛乞致仕不允诏 (2230)



- 赐新除试吏部侍郎范百禄辞免恩命不允诏 (2230)
- 赐新除吏部侍郎傅尧俞辞免恩命乞知陈州不允诏..... (2231)
- 赐同知枢密院事范纯仁生日诏 (2231)
- 赐新除知枢密院安燾辞免恩命不允诏 (2231)
- 赐朝议大夫试户部尚书李常乞除沿边一州不允诏..... (2232)
- 赐太师平章军国重事文彦博宰相吕公著自今后入朝凡有
拜礼宜并特与免拜诏 (2232)
- 赐新除兼侍读依前光禄大夫吏部尚书苏颂辞免恩命不允
诏 (2233)
- 赐守司空开府仪同三司致仕韩绛乞受册礼毕随班称贺免
赴诏 (2233)
- 赐宰相吕公著乞罢免相位不允诏 (2233)
- 赐前两府并待制已上知州初冬衣袄诏 (2234)
- 赐太师文彦博乞致仕不允诏二首 (2234)
- 赐龙图阁直学士尚书工部侍郎蔡延庆乞知应天府不允诏
..... (2234)
- 赐尚书左丞刘摯生日诏 (2235)
- 赵州赐大辽皇帝贺兴龙节大使茶药诏二首 (2235)
- 赐太师文彦博生日诏 (2235)
- 赐资政殿学士太中大夫新知成都府王安礼乞知陈颖等一
郡不允诏 (2236)
- 沿路赐奉安神宗御容礼仪使吕大防银合茶药诏 ... (2236)
- 赐资政殿学士太中大夫新差知成都府王安礼银合茶药诏
..... (2236)
- 赵州赐大辽贺太皇太后正旦大使茶药诏 (2237)
- 赵州赐大辽贺太皇太后正旦副使茶药诏 (2237)
- 赵州赐大辽贺皇帝正旦大使茶药诏 (2237)
- 赵州赐大辽贺皇帝正旦副使茶药诏 (2237)



- 赐宰相吕公著生日诏 (2238)
 赐新除龙图阁直学士李之纯辞恩命不允诏 (2238)
 赐太师文彦博乞致仕不允诏 (2238)
 赐文彦博乞致仕不允诏 (2239)
 赐外任臣寮进贺太皇太后受册马诏敕 (2239)
 赐外任臣寮进奉贺皇太后皇太妃受册马诏敕 ... (2239)
 赐保宁军节度使知大名府冯京进奉贺端午节马诏
 (2240)
 赐资政殿学士知邓州韩维进奉谢恩马诏 (2240)
 赐检校司空左武卫上将军郭逵进奉谢恩马诏 ... (2240)
 赐中大夫守尚书右丞王存生日诏 (2240)
 赐试户部侍郎赵瞻陈乞便郡不允诏 (2241)
 赐皇伯祖宗晟辞免起复恩命不许诏四首 (2241)
 赐保宁军节度使知大名府冯京进奉兴龙节并冬至正旦马
 诏 (2242)
 赐外任臣寮进奉谢恩马诏敕 (2243)
 赐外任臣寮进奉兴龙节功德疏诏敕 (2243)
 赐新除守司空同平章军国事吕公著辞免恩命不允诏 ...
 (2243)
 赐新除太中大夫守尚书左仆射兼门下侍郎吕大防辞免恩
 命不允诏 (2243)
 赐新除太中大夫守尚书右仆射兼中书侍郎范纯仁辞免恩
 命不允诏 (2244)
 赐观文大学士光禄大夫知永兴军韩缜三上表乞致仕不许
 断来章诏 (2244)
 卷一百十
 内制诏敕五十二首
 赐观文殿大学士光禄大夫知永兴军韩缜三上表陈乞致仕



- 不允断来章诏 (2245)
- 赐新除太中大夫守尚书右仆射兼中书侍郎范纯仁再上扎子辞免恩命不允诏 (2245)
- 赐新除依前中大夫守中书侍郎刘摯辞免恩命不允诏 ...
..... (2246)
- 赐新除依前中大夫守尚书左丞王存辞免恩命不允诏 ...
..... (2246)
- 赐新除中大夫守尚书右丞胡宗愈辞免恩命不允诏
..... (2246)
- 赐新除依前中散大夫充枢密直学士签书枢密院事赵瞻辞免恩命不允诏 (2247)
- 赐新除门下侍郎孙固辞恩命不允诏 (2247)
- 赐新除试御史中丞孙觉辞免恩命不允诏 (2247)
- 赐新除右光禄大夫依前知枢密院事安燾辞恩命不允诏
..... (2248)
- 赐新除中大夫守尚书右丞胡宗愈辞免恩命不允诏
..... (2248)
- 赐新除依前中散大夫充枢密直学士签书枢密院事赵瞻辞免恩命不允诏 (2248)
- 赐新除翰林学士朝请大夫知制诰许将赴阙诏 ... (2249)
- 赐新除司空同平章军国事吕公著辞免册礼许诏
..... (2249)
- 赐正议大夫知枢密院事安燾辞免迁官恩命允诏
..... (2249)
- 赐新除中大夫守尚书右丞胡宗愈辞免恩命不允诏
..... (2250)
- 赐新除司空同平章军国事吕公著辞免册礼允诏
..... (2250)



- 赐许将辞免恩命不允诏 (2250)
- 赐河西军节度使西蕃邈川首领阿里骨进奉回诏
..... (2251)
- 赐新除依前朝散大夫守尚书吏部侍郎充龙图阁待制傅尧
俞辞免恩命不允诏 (2251)
- 赐守尚书右丞胡宗愈乞除闲慢差遣不允诏 (2252)
- 赐尚书右仆射兼中书侍郎范纯仁生日诏 (2252)
- 赐正议大夫守门下侍郎孙固生日诏 (2252)
- 赐正议大夫知枢密院事安燾生日诏 (2253)
- 赐龙图阁学士河东路经略使兼知太原府曾布乞除一闲慢
州郡不允诏 (2253)
- 赐河西军节度使西蕃邈川首领阿里骨进奉回程诏
..... (2253)
- 赐皇叔改封徐王颢上表辞免册礼允诏二首 (2254)
- 赐知渭州刘昌祚进奉兴龙节银诏 (2254)
- 赐皇伯祖宗晟辞免起复恩命不允诏二首 (2255)
- 赐正议大夫知邓州蔡确乞量移弟硕允诏 (2255)
- 赐知渭州刘昌祚进奉谢恩并赐月俸公使及贺端午节马诏
..... (2256)
- 赐端明殿学士银青光禄大夫致仕范镇奖谕诏 ... (2256)
- 赐朝散大夫守尚书吏部侍郎充龙图阁待制傅尧俞乞外郡
不允诏 (2256)
- 赐保宁军节度使知大名府冯京进奉贺兴龙节马一十匹并
冬节马二匹诏 (2257)
- 赐泰宁军节度观察留后知相州李珣进奉贺冬马一匹诏
..... (2257)
- 赐中大夫守尚书左丞王存生日诏 (2257)
- 赐龙图阁直学士正议大夫权知开封府吕公著上表陈乞致



- 仕不允诏 (2257)
- 赐吕公著上表陈致仕不允诏 (2258)
- 赐济阳郡王曹佺在朝假将百日特与宽假将理诏 (2258)
- 赐光禄大夫守吏部尚书兼侍读苏颂上表乞致仕不允诏 (2258)
- 赐苏颂上表陈乞致仕不允诏 (2259)
- 赐光禄大夫守吏部尚书兼侍读苏颂上第二表陈乞致仕不允诏 (2259)
- 赐苏颂上第二表请乞致仕不许诏 (2259)
- 新除权礼部尚书梁燾辞免恩命不允诏 (2260)
- 赐宣徽南院使充太一宫使冯京乞依职任官例祇赴六参不允诏 (2260)
- 赐右正议大夫守尚书左仆射吕大防生日诏 (2260)
- 赐翰林院学士中大夫兼侍读赵彦若辞免国史修撰不允诏 (2261)
- 赐河东节度使太师开府仪同三司太原尹致仕文彦博温溪心马诏 (2261)
- 赐夏国主进奉贺坤成节回诏 (2261)
- 赐皇伯祖宗晟辞免恩命起复允终丧制诏二首 ... (2261)
- 内制敕书三十三首
- 赐南平王李乾德历日敕书 (2262)
- 赐新除依前交趾郡王李乾德加恩制诰敕书 (2262)
- 赐外任臣寮历日诏敕书 (2263)
- 赐侍卫亲军马军都虞候刘昌祚进奉贺明堂礼毕马敕书 (2263)
- 赐外任臣寮进奉光龙节马诏敕书 (2263)
- 赐溪洞蛮人彭允宗等进奉端午布敕书 (2263)



- 赐权陕府西路转运判官孙路银绢奖谕敕书 (2264)
- 赐知兰州王文郁银绢奖谕敕书 (2264)
- 赐新除依前静海军节度使进封南平王李乾德制诰敕书
..... (2264)
- 赐外任臣寮进奉坤成节银敕书 (2265)
- 赐西南罗藩进奉敕书 (2265)
- 赐诸路知州职司等并总管铃辖至使臣初冬衣袄敕书 ...
..... (2265)
- 赐诸路蕃官并溪洞蛮人初冬衣袄敕书 (2265)
- 赐诸路屯驻驻泊就粮本城诸员寮等初冬衣袄都敕
..... (2266)
- 赐外任臣寮等进奉坤成节功德疏诏敕书 (2266)
- 赐朝奉郎通判梓州赵君奭进奉坤成节无量寿佛敕书 ...
..... (2266)
- 沿路赐奉安神宗御容押班冯宗道并内臣等银合茶药敕书
..... (2266)
- 赐五台山十寺僧正省奇等进奉兴龙节功德疏等奖谕敕书
..... (2267)
- 赐外任臣寮历日敕书 (2267)
- 赐于阗国黑汗王进奉登位敕书 (2267)
- 赐于阗国黑汗王进奉示谕敕书 (2267)
- 赐外任臣寮进奉兴龙节马敕书 (2268)
- 赐溪洞彭儒武等进奉兴龙节溪布敕书 (2268)
- 赐保州团练使潞州总管王宝进奉恋阙并到任马敕书 ...
..... (2268)
- 赐知乾宁军内殿承制张赴奖谕敕书 (2268)
- 赐于阗国黑汗王进奉示谕敕书二首 (2269)
- 赐于阗国黑汗王男被令帝英进奉敕书 (2269)



- 赐五台山寺僧正省奇已下奖谕敕书 (2269)
- 示谕武泰军官吏军人僧道百姓等敕书 (2270)
- 赐殿前都虞候宁州团练使知熙州刘舜卿进奉贺冬马敕书
..... (2270)
- 赐外任臣寮进奉兴龙节马诏敕书 (2270)
- 赐西南蕃莫世忍等进奉敕书 (2270)
- 赐五台山十寺僧正省奇等奖谕敕书 (2271)

卷一百十一

内制口宣一百四十一首

- 雄州抚问大辽国贺兴龙节使副口宣 (2272)
- 赵州赐大辽贺兴龙节人使茶药口宣 (2272)
- 赐正议大夫同知枢密院事安燾乞退不允批答口宣
..... (2272)
- 赐宰臣吕公著生日礼物口宣 (2273)
- 相州赐大辽国贺兴龙节使副御筵口宣 (2273)
- 赵州赐大辽国贺太皇太后正旦使副茶药口宣 ... (2273)
- 赵州赐大辽国贺皇帝正旦使副茶药口宣 (2273)
- 雄州白沟驿赐大辽贺正旦人使御筵口宣 (2274)
- 赐镇江军节度使判大名府韩绛诏书汤药口宣二首
..... (2274)
- 赐新除依前中大夫守中书侍郎吕大防辞免恩命不允断来
章批答口宣 (2274)
- 赐新除中大夫守尚书右丞刘摯辞恩命不允断来章批答口
宣 (2275)
- 赐正议大夫同知枢密院事安燾乞外郡不允断来章批答口
宣 (2275)
- 班荆馆赐大辽国贺兴龙节人使赴阙口宣 (2275)
- 班荆馆赐大辽贺兴龙节人使到阙酒果口宣 (2275)



- 雄州赐大辽贺正旦人使回程御筵口宣 (2276)
- 赐河东路诸军来年春季银奁兼传宣抚问臣寮将校口宣
..... (2276)
- 送伴正旦使副沿路与贺北朝生日并正旦使副相见传宣抚
问口宣 (2276)
- 赐大辽贺正旦人使正月一日入贺毕就驿御筵口宣
..... (2276)
- 就驿赐大辽贺正旦人使银□锣唾盂孟子锦被褥等口宣
..... (2277)
- 班荆馆赐大辽贺正旦人使却回御筵口宣 (2277)
- 相州赐大辽贺正旦人使却回御筵口宣 (2277)
- 就驿赐大辽贺兴龙节人使回程酒果口宣 (2277)
- 赐大辽贺正旦人使朝辞讫就驿御筵口宣 (2278)
- 班荆馆赐大辽贺正旦人使回程酒果口宣 (2278)
- 抚问熙河兰会路臣寮口宣 (2278)
- 抚问资政殿学士知扬州王安礼口宣 (2278)
- 赐皇叔祖保信军节度使安康郡王宗隐生日礼物口宣 ...
..... (2279)
- 赐皇叔祖昭信军节度使汉东郡王宗瑗生日礼物口宣 ...
..... (2279)
- 寒节就驿赐于阗国进奉人御筵口宣 (2279)
- 赐皇叔祖宁国军节度使华原郡王宗愈生日礼物口宣 ...
..... (2279)
- 赐新除保宁军节度使冯京告敕诏书茶药口宣 ... (2280)
- 赐镇江军节度使充集禧观使韩绛诏书茶药口宣
..... (2280)
- 赐太师文彦博乞致仕不允批答口宣 (2280)
- 赐宰相吕公著乞退不允批答口宣 (2280)



宣

- 赐交州进奉人朝见讫就驿御筵口宣 (2281)
- 白沟驿赐大辽贺坤成节人使御筵兼传宣抚问口宣 (2281)
- 赐尚书左丞李清臣乞退不允批答口宣 (2281)
- 赐集禧观使镇江军节度使开府仪同三司韩绛到阙生饩口宣 (2281)
- 班荆馆赐大辽国贺坤成节人使到阙御筵口宣 ... (2282)
- 赐护国军节度使检校太师济阳郡王曹佺生日礼物口宣 (2282)
- 赐皇弟山南东道节度使开府仪同三司佖生日礼物口宣 (2282)
- 就驿赐大辽贺坤成节使副银□锣锦被褥等口宣 (2282)
- 赐皇伯祖彰化军节度使高密郡王宗晟生日礼物口宣 ... (2283)
- 赐知枢密院事安燾已下罢散坤成节御筵口宣 ... (2283)
- 玉津园赐大辽贺坤成节人使射弓例物口宣 (2283)
- 赐大辽贺坤成节人使生饩口宣 (2283)
- 相州赐大辽贺坤成节人使却回御筵口宣 (2284)
- 瀛州赐大辽贺坤成节人使回程御筵口宣 (2284)
- 赐大辽贺坤成节人使内中酒果口宣 (2284)
- 赐太师文彦博已下罢散坤成节道场香酒果口宣 (2284)
- 赐知枢密院事安燾已下罢散坤成节道场香酒果口宣 ... (2285)
- 坤成节就驿赐于阗国进奉人御筵口宣 (2285)
- 赐殿前都指挥使燕达已下罢散坤成节道场香酒果口宣 (2285)



- 赐皇伯祖镇南军节度使开府仪同三司宗晖已下罢散坤成节道场香酒果口宣 (2285)
- 赐平海军节度使驸马都尉李玮已下罢散坤成节道场香酒果口宣 (2286)
- 赐皇叔扬王荆王醴泉观罢散坤成节道场香酒果口宣 ...
..... (2286)
- 雄州抚问大辽使副贺坤成节口宣 (2286)
- 班荆馆赐大辽贺坤成节人使回程酒果口宣 (2286)
- 赐皇叔扬王顥生日礼物口宣 (2287)
- 赐新除知枢密院安燾辞免恩命不允断来章批答口宣 ...
..... (2287)
- 赐熙河秦凤路帅臣并沿边知州军区寮茶银合兼传宣抚问口宣 (2287)
- 赐熙河秦凤路提刑转运茶银合兼传宣抚问口宣
..... (2287)
- 赐观文殿大学士光禄大夫知永兴军韩缜茶银合兼传宣抚问口宣 (2288)
- 赐皇弟武成军节度使祁国公偁生日礼物口宣 ... (2288)
- 赐皇叔成德荆南等军节度使守太尉开府仪同三司荆王□生日礼物口宣 (2288)
- 赐宰相吕公著乞罢相位不允批答口宣 (2288)
- 赐宰相吕公著乞罢相位不允断来章批答口宣 ... (2289)
- 赐皇弟定武军节度使开府仪同三司咸宁郡王俣生日礼物口宣 (2289)
- 赐太师平章军国重事文彦博辞免免入朝拜礼允批答口宣
..... (2289)
- 熙河兰会路赐种谊已下银合茶药及抚问稿设汉蕃将校以下口宣 (2289)



- 赐保静军节度使检校司空开府仪同三司建安郡王宗綽生日礼物口宣 (2290)
- 抚问刘舜卿兼赐银合茶药口宣 (2290)
- 赐陕府西路转运判官孙路银合茶药口宣 (2290)
- 赐陕府西路转运司勾当公事游师雄银合茶药口宣 (2290)
- (2290)
- 赐泾原路经略使并应守城御贼汉蕃使臣已下银合茶药兼传宣抚问口宣 (2291)
- 赐大辽贺正旦人使白沟驿御筵并抚问口宣 (2291)
- 赐太师文彦博乞致仕第一表不允批答口宣 (2291)
- 赐文彦博乞致仕不允断来章批答口宣 (2291)
- 白沟驿传宣抚问大辽贺兴龙节人使及赐御筵口宣 (2292)
- (2292)
- 沿路抚问奉安神宗御容礼仪使吕大防已下口宣三首 ... (2292)
- (2292)
- 赐熙河路副总管姚兕等银合茶药口宣 (2293)
- 抚问秦凤等路臣寮口宣 (2293)
- 西京会圣宫应天禅院奉安神宗御容礼毕押赐礼仪使已下御筵口宣 (2293)
- 赐嗣濮王宗晖生日礼物口宣 (2293)
- 赐皇弟镇宁军节度使开府仪同三司遂宁郡王佖生日礼物口宣 (2294)
- (2294)
- 赵州赐大辽贺兴龙节使副茶药口宣 (2294)
- 赐太师文彦博生日礼物口宣 (2294)
- 沿路赐奉安神宗御容礼仪使吕大防押班冯宗道并使臣已下银合茶药兼传宣抚问口宣 (2294)
- 接伴大辽贺兴龙节人使送伴回程与大辽贺正旦人使相逢抚问口宣 (2295)



- 赵州赐大辽贺太皇太后正旦使副茶药口宣 (2295)
- 赵州赐大辽贺皇帝正旦使副茶药口宣 (2295)
- 雄州抚问大辽贺兴龙节使副口宣 (2295)
- 雄州抚问大辽贺正旦使副口宣 (2296)
- 赐诸路臣寮中冬衣袄口宣 (2296)
- 赐宰相吕公著生日礼物口宣 (2296)
- 冬季传宣抚问诸路沿边臣寮口宣 (2296)
- 抚问知河南府张瓌知永兴军韩缜口宣 (2297)
- 冬季抚问陕西转运使副口宣 (2297)
- 冬季抚问诸路沿边臣寮口宣 (2297)
- 赐资政殿学士新差知成都府王安礼诏书银合茶药传宣抚
问口宣 (2297)
- 赐于闐国进奉人进发前一日御筵口宣 (2298)
- 班荆馆赐大辽贺正旦人使到阙御筵口宣 (2298)
- 班荆馆赐大辽贺兴龙节人使酒果口宣 (2298)
- 班荆馆赐大辽贺兴龙节人使御筵口宣 (2298)
- 相州赐大辽贺正旦人使御筵口宣 (2299)
- 赐皇伯祖高密郡王宗晟已下罢兴龙节道场香酒果口宣
..... (2299)
- 赐知枢密院事安燾已下罢散兴龙节道场酒果口宣
..... (2299)
- 赐济阳郡王曹佺罢散兴龙节道场酒果口宣 (2299)
- 赐殿前都指挥使燕达已下罢散兴龙节道场香酒果口宣
..... (2300)
- 赐知枢密院事安燾已下罢散兴龙节道场香酒果口宣 ...
..... (2300)
- 赐太师文彦博已下罢散兴龙节酒果口宣 (2300)
- 赐大辽贺兴龙节前一日内中酒果口宣 (2300)



- 赐大辽贺兴龙节十日内中酒果口宣 (2301)
 赐大辽贺兴龙节朝辞讫归驿御筵口宣 (2301)
 赐大辽贺兴龙节人使瀛洲回程御筵口宣 (2301)
 相州赐大辽贺兴龙节使副御筵口宣 (2301)
 相州赐大辽贺兴龙节使副却回御筵口宣 (2302)
 赐大辽贺兴龙节人使射弓例物口宣 (2302)
 班荆馆赐大辽贺兴龙节人使回程御筵口宣 (2302)
 赐诸路臣寮春季银奭兼抚问口宣 (2302)
 抚问知大名府冯京口宣 (2303)
 赐大辽贺兴龙节人使朝辞归驿酒果口宣 (2303)
 赐大辽贺兴龙节人使班荆馆却回酒果口宣 (2303)
 班荆馆赐大辽贺正旦人使到阙酒果口宣 (2303)
 就驿赐大辽贺兴龙节人使宴口宣 (2304)
 就驿赐大辽贺兴龙节人使宴花酒果口宣 (2304)
 赐大辽贺正旦使副银□锣等口宣 (2304)
 相州赐大辽贺正旦人使却回御筵口宣 (2304)
 赐大辽贺正旦人使却回雄州御筵口宣 (2305)
 赐大辽贺兴龙节使副□锣等口宣 (2305)
 赐大辽贺正旦人使生饩口宣 (2305)
 送伴正旦使副沿路与贺北朝生辰并正旦使副相逢传宣抚
 问口宣 (2305)
 赐大辽贺正旦入贺毕使副就驿酒果口宣 (2306)
 赐大辽贺正旦入贺毕使副就驿御筵口宣 (2306)
 赐大辽贺正旦使副前一日内中酒果口宣 (2306)
 赐大辽贺正旦却回班荆馆御筵口宣 (2306)
 赐大辽贺正旦朝辞讫归驿御筵口宣 (2307)
 赐大辽贺正旦朝辞讫归驿御筵酒果口宣 (2307)

